

VAI 1524005

POESIE SICILIANE

(2)

DI

Giovanni Pesi

EDIZIONE TERZA

RIVEDUTA E CORRETTA.

VOL. II.



PALERMO 1830.

Dalla Tipografia degli Eredi Abbate.



LA LIRICA

O D I I.

Lu viaggiu retrogradu.

L' innatu Geniu,
Chi mi strascina,
Dissi acchiappannumi:
Orsù, camina.

Ed ingulfannusi
Tra li sfunnati
Abbissi, e vortici
Di età passati,

In parti rampica,
In parti affunna
Tra na voraggini
Di obliu profunna.

Sfunnati, quì vale profondi.

Ddà spissu incontrasi
 (Oh incontrí grati !)
 Cu li gran Genii
 Di chiddi etati ,

Chi quasi ciacculi
 Brillanti , e chiari ,
 Vennu ddi tenebri
 A rischiarari .

In aria Pindaru
 Vidi , e stupisei ,
 Cerca ragghiuncirlu ,
 Ma ci spirisci .

Scopri la tenera
 Saffu , chi spira
 Ciammi , ch' infocanu
 Anchi la lira :

Ddà , colà . Cù , con . Ciacculi , *fiaccole* .
 Vennu ddi , *vengono quelli* . Ciammi , *fiamme* .

Scontra tra un sequitu
 Di grazj pronti
 Lu lepidissimu
 Anacreonti :

Di allegri giuvini ,
 Di Ninfi allatu
 'Ntricciannu brinnisi
 Menzu 'ngriciatu :

Nostra delizia
 (Miu Geniu dici)
 Salvi , e in ogni epoca
 Regna felici ;

Nò , nun t' invidiu
 Trastulli , e danzi ;
 Ma lu tò seculu ,
 Li circostanzi ;

'Ntricciannu , *intrecciando.* Menzu 'ngriciatu ,
mezzo ubriaco .

Dici , e poi seguita
 Lu sò viaggiu
 Davi risplenniri
 Vidi un gran raggiu .

Eccu Teocritu ,
 Chi di Geruni
 A la grand' epoca
 'Ntriccia curuni .

Oh Cignu amabili ,
 Pri cui fastusa
 Scurri la Sicula
 Fonti Aretusa !

Li trummi cedanu ;
 Cui d' idd' incugna
 A lu gran meritu
 Di tua sampugna ?

'Ntriccia ; *intriccia* . Cui d' iddi 'ncugna ,
quale di esse si accosta .

Chiddi decantanu
 Straggi, e bravura,
 Chista la simplici
 Bella Natura.

Oh pazzi! E cridinu
 Li menti umani
 Felicitarisi
 D' idda luntani!

Dici, e incaminasi
 Pri oscuri vii
 Di Dafni all' epoca
 Cara a li Dii.

Lu trova in placida
 Silva tranquilla,
 Unn' acqua un vausu
 Limpida stilla;

*Chiddi decantanu, quello esaltano. D' idda;
 di essa, s' intende natura. Vausu, balza.*

Ci penni tacita
 Sampugn' allatù ;
 Un cani all' alitu
 Ci stà' cureatu ;

Di attornu pascinu
 Vacchi infiniti ,
 L'echi ribumbanu
 Di li muggiti ;

Li prati ridinu
 Sutta li curi ,
 E lu bon ordini
 Di li pasturi ;

E intantu sedinu
 Ddà spinsirati
 Paci , e Giustizia
 Stretti abbrazzati .

Ci stà , gli stà . Ddà , colà .

Ccà juntu fermasì
 Miu Geniu , e dici :
 Oh grata immagini
 Di età felici !

S' in mia t' insinui
 Cu tali ciarmi
 Com'è possibili
 Da tia staccarmi ? *

Fini.

Ccà juntu , quà pervenuto . Ciarmi , vezzi seducentissimi .

* L' Autore nella maggior parte delle sue Odi ,
 degl' Idilii , e dell' Egloghe s' intende rap-
 portare a quell' epoca .

La Nascita di Amuri.

Da la vaga Citeria,
Non tra stentu, e tra dulari,
Ma tra risu, ed alligrla
A lu munnu nacqui Amuri.

Quantu nicu, tantu beddu,
E si ben proporzionatu,
Chi parìa cameu di aneddu
Di un valuri smisuratu.

Li Dei tutti a stu purtentu
Inarcavanu li gigghia,
Cuntimplannu ad occhiu attentu
Sta stupenna maravigghia.

Nicu, *piccolino*. Aneddu, *anello*. Gigghia,
cigli. Meravigghia, *meraviglia*.

Lu stupuri nun li lassa ,
 Anzi chiù si avanza , e crisci ,
 Pirchè chiù chi tempu passa
 Lu Bambinu sminuisci .

Era inutili lu tantu
 Latti ad iddu ; di lu velu
 Scurria fora tuttu quantu ,
 E lassau na striscia in celu .

La Dia mesta , e scunsulata
 Chi lu figghiu ìa mancannu ,
 A lu fatu s'è indirizzata
 Sta prighera presentamu .

A chi darmi un beddu figghiu
 Si mi manca natu appena ?
 Suggestiscimi un cunsigghiu
 Pri nutrirlu , e darci lena ?

Nun si arrassa , non si allontana . Sminuisci ,
 si riduce a meno . Ad iddu , ad esso . Scurria
 fora , scorreva fuori , Lasciau , lasciò . ia , an-
 dava . Beddu figghiu , bel figliuolo , E darci
 lena , e dar fiato e lena .

Rispos' iddu: Si a la luci
 Nautru partu partirai,
 Quannu chistu darà vuci
 L' autru crisciri vidrai.

Sta ricetta, mi crid' iu,
 Nun fu pr' idda amara tantu ...
 Basta, l' ordini eseguiu,
 E l' affari iu d' incantu.

Eccu in fini fu avvirata
 Di lu fatu la sentenza,
 Di una figghia s' è sgravata,
 Chi chiamau: Corrispondenza.

A lu nasciri di chista
 Pigghiau ciatu lu Puttinu,
 E quant' idda forza acquista,
 L' autru crisci, e fà caminu.

Rispos' iddu, *rispose egli*. Nautru, *un altro*. Chistu, *questo*. Vuci, *voce*. Sta, *questa*. Idda, *essa*, iu d' incantu, *riuscì a meraviglia*. Chiamau, *nominò*. A lu nasciri, *al nascere*. Chista, *questa*. Pigghiau ciatu, *prese fiato*. Idda, *essa*. L' autru crisci, *l' altro cresce*.

Grà ci spuntanu l'aluzzi,
 Chi s'impinnavu a momenti,
 Poi niscenou li manuzzi
 Vola in aria, e fa purtenti.

Fini.

*I' aluzzi, le picciole ule. Chi s'impinnavu,
 che si vestono di piume: Niscenou li manuzzi,
 pigliando ardire.*

1 ***

Li Capiddi .

Chi tirribiliu !

Chi serra-serra !

Deh curri , o Veneri ,

Sparti stà guerra .

Quindici milia

Cechi Amurini ,

Tutti si 'ngrignanu ;

Fannu ruini .

Cui punci , e muzzica ;

Cu abbrucia , ed ardi ;

Cui tira ciacculi ;

Cu' abbija dardi .

Chi tirribiliu , *che grande scompiglio . Serra-serra , voce , che esprime tumulto o scompiglio . Sparti , seda , componi . Tutti si 'ngrignanu , si acciuffano pe' capelli . Cui abbija , chi scaglia .*

Ntra lu spartirisi
 Li cori prisi;
 Vinniru a nasciri
 Sti gran cuntisi.

A sta notizia
 La Dia di Gnidu
 Curri, precipita,
 Ittannu un gridu.

Ed è pussibili,
 Chi 'un c'è momentu
 Di stari 'nzemmula
 Tanticchia abbentu!

Giacchè nun giuvanu
 Menzi, e riguardi,
 Vi farrò a videri,
 Muli bastardi ...

Ntra lu spartirisi, *nel dividersi*. Sti, *questi*. A sta, *a questa*. Ittannu, *alzando*. 'Un, *non*. Di stari 'nseminula, *di stare insieme*, Tanticchia abbentu, *un tantino in riposo, in pace*.

Dissi : e 'un truvannucci
 Megghiu riparu ,
 L' asserra , e carcera
 Tutti di parù ;

Poi cu finissinni
 Fila indorati
 L' ali , chi sbattinu ,
 'Femi 'nchiaccati

Deh ! ferma , o Veneri ,
 Vidi ca sbagghi ;
 Pirchè voi crisciri
 Li mei travagghi ?

Lu miu martiriu
 'Ti paria pocu ;
 Vulisti agghiunciri
 Ligna a lu focu ?

*'Un truvannucci, non trovandovi. Megghiu,
 migliore. Di parù, del pari, ugualmente. Cu,
 con. 'Nchiaccati, legati a cappio. Ca sbagghi,
 che sbagli. Voi, vuoi.*

Chisti, chi liganu,
 L' aluzzi ad iddi,
 Di Nicì amabili
 Sù li Capiddi.

Dintra li bucculi,
 (Oimè, chi arduri!)
 Comu syulazzanu
 Li nichì Amuri!

Parti s' aggiranu,
 Privi di paci,
 Di la sua scufia
 'Ntra lu 'ntilaci,

Cui di li Zefiri
 Cerca ristoru,
 Sauta, e fa smoviri
 Li fila d' oru.

Chisti, questi. Aluzzi, vez. d' ale. Ad iddi, ad essi. Su, sono. Ddi, quei. Li nichì amuri, li piccoli amori. 'Ntilaci, seta tessuta a rete, di cui si fanno le cuffie per le donne. Cui, chi. Sauta, salta.

Parti si curcanu
 Supra lu coddu;
 Ch' è un sinu avoliu
 Pulitu, e moddu.

E di ddà mannanu
 Saitti, e lampi;
 Ahi! cui pò reggiri
 'Ntra tanti vampi!

Ah! vinni a chioviri
 In mia sta guerra!
 Stu tirribiliu!
 Stu serra serra!

Fini.

Coddu, collo. Moddu, morbido. E di ddà, e di colà. Cui pò, chi può. A chioviri, a piovere.

Lu gigghiu .

La benna lacera ,
 Spinnatu tuttu ,
 Chiancia Cupidini
 A chiantu ruttu ;

Rucculiavasi
 Pallidu , e zarcu :
 Me Matri Veneri
 Mi rumpiu l' arcu .

Oh ! beni stijati ,
 (Ci diSSI allura :)
 Tu sì diavulu ,
 Non criatura ;

*Spinnatu , spennacchiato . Chiancia , piangea .
 A chiantu ruttu , dirottamente . Rucculiavasi ,
 querelavasi . Zarcu , smorto . Me , mia . Rum-
 piu , ruppe . Stijati , ti stia . Criatura , què va-
 le ragazzo .*

Ncrepati, ruditi;
 Sì: c'aju gustu,
 Almenu termina,
 Speddi stu sustu:

A st' improperii
 S' ingatta, e taci;
 Ma dintra è torbidu,
 Nun trova paci.

Posa lu guvitu
 Supra di un sciuri,
 Finci di dormiri,
 Ma 'un dormì Amuri.

Poi tuttu 'nzemmula
 Pigghiannu sciatu,
 Grida; Vittoria,
 L' arcu è truvatu;

Aju, ho. Speddi stu sustu, ha termine questa molestia. A sti, a cotesti. Guvitu, gomitato. Ma 'un, ma non. Tuttu 'nzemmula, qui vale, all'istante insieme e risolutamente.

L' arcu infallibili,
 Chi v' à pri milli,
 E' l' adorabili
 Gigghiu di 'Filli:

Dissi: e di un subitu
 Scuccannu un dardu;
 Si 'ntisi un mormuru:
 Ahi! ahi! com' ardu!

Fini:

Si 'ntisi, si udi. Murmuru, mormora-
 mento.

O D I V.

E' occhi.

Ucchiazzi muri,
Si taliati,
Faciti cadiri
Casi, e Citati;

Jeu muru debuli
Di petri, e taju,
Cunsidiratilu,
Si allura caju!

Sia arti maggica,
Sia naturali,
In vui risplendinu
Biddizzi tali,

Niuri, neri. Si taliati, *se guardate*. Jeu,
io. Taju, creta, di cui si servono per cemen-
to nel fabbricare i limiti de' campi, ed altri
muri deboli. Caju, cado. Biddizzi, bellezze.

Chi tutti 'nzemmula
 Cumponnu un sciarmu,
 Capaci a smoviri
 Lu stissu marmu.

A' tanta grazia
 Ssa vavaredda,
 Quannu si situa
 Menza a vanedda,

Chi, veru martiri
 Di lu disiu,
 Cadi in deliquiu
 Lu cori miu.

Si siti languidi,
 Ucchiazzi cari,
 Cui ci pò reggiri?
 Cui ci pò stari?

Tutti 'nsemmula, quì vale unitamente. Sciar-
 mu, incanto. Ssa, cotesta. Vavaredda, pupil-
 la. Vanedda, propriamente, strada; ma quì
 spiega allegoricamente la situazione della pu-
 pilla in mezzo alle palpebre socchiuse a metà.
 Cù ci pò, chi vi può.

Mi veni un piulu ,
 Chi m' assutterra ;
 L' alma si spiccica ;
 Lu senza sferra .

Poi cui pò esprimiri -
 Lu vostru risu ,
 Ucchiuzzi amabili ,
 S' è un Paradisu ? *

Lu pettu s' aggita ,
 Lu sangu vugghi ;
 Sù tuttu spinguli
 Sù tutti agugghi .

Piulu , pena di stomaco , cagionata dalla languidezza . Si spiccica , si distacca . Sferra , scappa . Lu sangu vugghi , il sangue bolle . Sù , sono . Spinguli , spille . Agugghi , aghi .

* Paradisu , quì non si adopera nel senso in cui lo prende il Teologo .

Ma quantu lagrimi ,
Ucchiuzzi amati ,
Ma quantu spasimi
Chi mi custati !

Ajàti lastima
Di lu miu statu ;
Vaja riditimi ,
Ca sù sanatu .

Fini .

Ajàti , *abbiate* . Làstima , *compassione* . Vaja , *sù via* . Ca fù , *che sono* . Riditimi , *ridetemi* .

Lu labru .

Dimmi , dimmi , Apuzza nica :
Unni vai cussì matinu ?
Nun c'è cima , chi arrussica
Di lu munti a nui vicinu ;

Trema ancora , ancora luci
La ruggiada ntra li prati ;
Duna accura nun ti arruci
L'ali d'oru dilicati !

Li scïuriddi durmigghiusi
'Ntra li virdi soi buttuni
Stannu ancora stritti , e chiusi.
Cù li testi a pinnuluni .

*Apuzza , vezz. di ape . Nica , piccolina . Un-
ni ; dove . Duna accura , deh ! abbii cura . Nun
t'arruci , non t'immolli . Scïuriddi , fiorellini .
Ntra , ne' . Soi , loro .*

Ma l' aluzza s' affatica !

Ma tu voli , e fai caminu !

Dimmi dimmi , apuzza nica ,

Unni vai cussì matinu ?

Cerchi meli ? E siddu è chissu ,

Chiudi l' ali , e un ti straccari ,

Ti lu 'nzignu un locu fissu ,

Unni ài sempri , chi sucari ;

Lu conosci lu miu amuri ,

Nici mia di l' occhi beddi ?

'Ntra ddi labbri c' è un sapuri ,

'Na ducizza chi mai speddi .

'Ntra lu labbra culuritu

Di lu caru amatu beni ,

C' è lu meli chiù squisitu ,

Suca , sucalu , ca veni :

Fini .

E s' iddu è chistu , e s' egli è questo . 'Un , non . Locu , luogo . Unni ... chi sucari , dove ... che succhiare . 'Ntra ddi , in quei . Na , una . Speddi , finisce . Ca , che .

O D I VII.

La vucca .

I

Ssi capiddi , e biundi trizzi
 Sù jardini di biddizzi ,
 Cussì vaghi , cussì rari ,
 Chi li pari nun ci sù .

Ma la vucca cu li fini
 Soi dintuzzi alabastrini ,
 Trizzi d'oru , chi abbagghiati
 Perdonati , è bedda chiù ,

Ssi capiddi , *cotesti capelli* . Biunni trizzi ,
bionde trecce . Jardini , *giardini* . Biddizzi ,
gellezze . Nun ci sù , *non vi sono* . Vucca , *boc-*
ca . Beddu chiù , *bella più* .

Nun lu negu amati gigghia ,
 Siti beddi a meravigghia ;
 Siti beddi a signu tali ,
 Chi l' uguali nun ci sù .

Ma la Vucca 'nzuccarata
 Quannù parra , quannu ciala ,
 Gigghia beddi , gigghia amati
 Perdonati , è bedda chiù .

Occhi in vui fà pompa Amuri
 Di l' immensu sò valuri ,
 Vostri moti , vostri sguardi
 Ciammi , e dardi d' iddu sù .

Ma la vucca quannu duci
 S' apri , e modula la vuci ,
 Occhi ... Ah vui mi taliati !...
 Pirdunati , 'un parru chiù .

Fini .

Gigghia , *cigli* . Siti beddi , *siete belli* . Ciala , *fiata* . Ciammi , *fiamme* . D' iddu sù , *di esso sono* . Mi taliati , *mì guardate* . 'Un parru chiù , *non parlo più* .

La vuci .

1

Vola in aria 'na Vucidà ,
 Cusì grata , cussì linna ,
 Chi 'lu cori già ni spinna ;
 Duci-duci si nni và :

L' Amurini supra l' ali
 L' equilibranu suspisa ;
 Ora cala , ed ora jisa ;
 Ora immobili si stà .

2

D' ogni pettu , e d' ogni cori
 Com' avissi già la chiavi ,
 Duci , tenera , e suayi ,
 L' apri , e chiudi a gustu sò .

Na , una . Vucidà , vez. di voce . Linna , leggiera . Ni spinna , ne muore di desiderio . Duci ec. dolcemente ne sviene . Cala , abbassa . Jisa , s' alza . A gustu sò , a voglia sua .

Trasi dintra sinu all' alma ;
 La solleva , l' accarizza ,
 Cu na grazia , na ducizza ,
 Chi spiegarì nun si pó .

3

Quannu flebili , e dolenti
 Duna corpu a li dulari ,
 L' Arpa stissa di l' Amuri
 Nun è tenera accussì :

Quannu poi scappannu , vola ;
 Quannu poi si ferma , e trilla ;
 Pari a nui , chi l' aria brilla ;
 Tuttu è allegro ; tuttu è insì .

Trasi , penetra . Cu na , con una . Tuttu è
 insì , tutto respira brio .

S' Idda rumpi qualchi nota ,
Da li Grazi persuasa ,
Già lu stomacu 'nni scasa ,
Nun si sciata affattu chiù :

Quannu sempri sminuennu ,
Quasi manca , quasi mori ,
Si fa straggi di li cori ,
Dillu , Amuri , dillu tu ?

Finì.

*Idda , ella , Nni scasa , si profonda , ed esce
de' suoi confini . Nun si sciata ... chiù , non si
respira ... più .*

O D I IX.

—
L' alitu .

Profumeddu gratu , e finu ,
 Di cui l' aria s' impanna ,
 D' unni veni ? Cui ti manna ?
 Quantu và , ca l' induvina ?

Qualchi spratticu dirria :
 Ca sì figghiu di li sciuri ,
 E li spiriti chiù puri
 Tutti sunnu uniti in tia .

Di li sciuri , è veru , n' ài
 La fraganza là chiù pura ;
 Ma però si senti allura ,
 Ca li superi d' assai .

*Profumeddu , vez. di profumo . Impanna , si
 veste e si riempie . D' unni , da dove . Cui , chi .
 Quantu và , che sì . Spratticu dirria , imperito
 direbbe . Ca sì , che sei . Sciuri , fiori . Chiù ,
 più . Sunnu , sono . In tia , in te .*

Dirrìa Nautru: Un Zefirettu
 Di l'arabici contrati,
 Tanti effluvii prelibati
 Così, e vinni ccà direttu;

Si li Voscura Sabbei
 Si d' Arabia li viriduri,
 Avirrianu tali oduri,
 Ci starrevanu li Dei.

Profumeddu, chi nni dici?
 Ridi a tanti dicirii!
 Però a mia nun mi trizii,
 Tu sì l' Alitu di Nici.

Fini.

Nautru, *un altro*. Così, *raccolse*. Ccà, *qui*.
 Direttu, *direttamente*. Voscura, *boschi*. Avir-
 rianu, *avrebbero*. Starrevanu, *vi dimorerebbero*.
 A mia nun mi trizzii, *non mi burla certamente*.
 Sì, sei.

O D I X.

— — —
Lu pettu ()*

Ntra ssù Pittuzzu amabili,
 Ortu di rosi, e Sciuri,
 Dui mazzunedda Amuri
 Cu li soi manu fà.

Ci spruzza poi cu l'ali
 Li fiocchi di la nivi;
 Ntricia li vini, e scrivi:
 Lu Paradisu è ccà. (**)

'Ntra ssù, *in cotesto*. Pittuzzu, *vez. di patto*.
 Mazzuneddi, *mazzonetti*.

(*) Questa e la seguente sono traduzioni di due canzonette orientali. Il nostro Autore si è ingegnato, per quanto gli è stato possibile, di conservarne lo spirito de' pensieri e moderarne la licenza delle espressioni.

(**) *Paradisu*. Qui questa voce è presa nel senso Maumettano, e vale ad esprimere ogni *delizia*.

Ma un'importuna nuvola
 M'ottenebra lu celu ;
 Appena ntra lu velu
 Na spiragghiedda c'è .

Armata d'una spingula ,
 Chi pari na laparda ,
 Modestia si luarda ,
 Ch'è rigurusa , oimè !

Un' Amurinu affabili
 L'ammutta a jiri a mìa ;
 Ma l'autru , oh tirannia !
 Turnari poi lu fà ;

Pietusu a li mei lagrimi ,
 Chiddu lu spinci arrieri ;
 Ma torna poi 'nnarrerri ,
 E sempri veni , e và .

Na spiragghiedda c'è , un piccolo spiraglio vi
 è . Spingula , spillo . Na , una . L'ammut-
 ta cc. lo spinge verso di me . Autru , altro .
 Chiddu , quello . Arrieri , di bel nuovo . 'Nnarre-
 ri , in dietro .

Li sguardi si sammuzzanu
 'Ntra dda spiragghia nica ;
 Ed idda li nutrica ,
 Li pasci quantu pò :

Idda la menti guida
 A li biddizzi arcani ;
 Ni teni vivi , e sani .
 Lu sulu ajutu sò .

Si mai sintisti affettu ,
 O Zefiru amurusu ,
 Lu velu suspittusu
 Allarga un pocu chiù ;

E si lu tò nun basta
 Alitu dilicatu ,
 Pigghiati lu miu sciatu ,
 E servitinni tù .

Fini.

Si sammuzzanu , si attuffano . Ntra dda , in
 quella . Nica , piccola . Idda , essa . Sò , sue .
 Suspittusu , dispettoso .

Meli Vol. II.

—
Lu neu.

Tu felici tu beatu ,
 'Nzoccu sì , Purrettu , o Neu !
 'Ntra ssu pettu dilicatu
 Oh ! putissi staricc' eu !

'Ntra ssi Nivi ancora intatti
 Comu sedi ! comu spicchi !
 Ah ! lu cori già mi sbatti ;
 Fa la gula 'nnicchi-nnicchi .

Di lu coddu a li confini
 Sì 'na guardia vigilanti ,
 Pri li vaghi dui furtini
 Di la piazza chiù impurtanti .

*Nzoccu sì , qualunque sei . Purrettu , verrù-
 ca . Ntra ssu , in cotesto . Staricc' eu , dimorav-
 oi io . Fa la gula 'nnicchi-unichi , me ne fà il
 gollo . Sì na , sei una . Chiù , più .*

Ah! si mai pigghiannu a scanciu,
 O pri audacia singolari,
 Qualchi manu fa lu granciu,
 Facci tu terra trimari;

Ma quann' eu poi m' ammaraggiu,
 E l' arbitriu mi mauca;
 Fammi qualchi bon passaggiu;
 Cu l' amici vaja franca.

Fini.

A scanciu, in iscuambio. Fa lu granciu, fa
 il granchio, quì è metafora. Facci tu terra-
 trimari, dagli tu spavento. M' ammaraggiu, mi
 maroggio, quì è alleg. Cu, cogli. Vaja fran-
 ca, si usi indulgenza.

Lu non-so-chì.

In riguri Vijuledda
 Bedda bedda nun ci s'ì;
 Ma in tia regna, in tia privali
 Certu tali non-so-chì,
 Pri cui misa a beddi accantu
 D'iddi, oh quantu spicchi chiù.
 Si sù chisti vaghi stiddi,
 Suli in iddi splendi tu.
 E' la Rosa un' arricriu
 Pri lu briu, la maistà:
 Sta vaghizza l'occhi abbagghia,
 La plibbaghia curri ddà,

Vijuledda, vez. di viola, mammoletta. In tia, in te, Misa, messa. D'iddi, di essi. Si sù chisti, se son queste. Stiddi, stelle. E' ... un' arricriu, è un ricriamento, un ristoro. Pri, per. Abbagghia, abbaglia. Ddà, colà.

Ma in un cori dilicatu

Lu tò ciatu oh quantu pò!

Quali ciamma , quali affettu

Svigghia in pettu un guardu tò!

'E simpaticu , è gentili ,

Nè virili cori c'è ,

Chi 'un si senta risbigghiari

Li chiù cari , e duci oimè .

Fini .

Svigghia , *sveglia* .

La simpatia .

A la bedda Dia di Gnidu
 Lu gran cintu purtentusu
 Fu rubbatu da Cupidu
 Diu potenti , e capricciousu .

Ed a Fillidi suà cara
 Ci lu cinsi , e dissi poi :
 La Natura ben prepara ,
 Eu compisciu l' opri soi :

Grazia , spiritu , biddizza
 Tinn' à datu senza cuntù ,
 E si vjdi cu chiarizza ,
 Ch' era in gana tra ddu puntu .

Biddizza , bellezza : Tinn' à datu' , *te ne ha dato* . Senza cuntù , *senza misura* . Ch' era in gana , *ch' era di buon umore* . Tra ddu puntu , *in quell' istante che ti formò* .

Jeu stuputu a-sta eleganza ,
 Pri-nun darimi pri vintu
 La magnetica pussanza
 Ti presentu tra stu cintu .

Di cui n'aju vistu provi
 In mia matrici , ed in Giununi ,
 Pri cui chista tirau Giovi ,
 Comu fussi un picuruni .

La sua forza è singolari ,
 Tuttu cedi a lu sò imperu ,
 Da putiri conquistari ,
 Si tu voi , lu munnu interu .

Fint .

Jeu stuputu , io stupito . Chista tirau, questa
 trasse . Un picuruni , un grosso agnello .

Li grazj .

Doppu chi l' Azia ,
Già quasi tutta
Cadiu per Elena
Arsa , e distrutta ,

In tonu seriu .
Li Dei pinsaru ,
A sti disordini
Dari riparu .

E pirchi vittiru ,
Chi la Biddizza
Junt' a li Grazj
Gran focu attizza ,

Cadiu , *cadde* . Vittiru , *videro* . Junta ,
unita .

Perciò decretanu :

Chi mai chiù visti
Fussiru 'nzemmula
Chidda cu chisti .

Dunca spartëndusi .

Da Citeria
Li Gràzj pigghianu
Pri nautra via .

Ci va Cupidini

Manu cu manu ,
Stanti lu geniu
Sò juculanu .

Trovanu in Fillidi

Grata accugghienza ,
E in idda fissanu
La permanenza .

Visti , vedute . 'Nzemmula , assieme . Chidda
cu chisti , quella cōn queste . Dunca , dunque .
Spartendosi , dividendosi . Pigghianu , dirizzan-
si . Pri nautra , per un altra . Lu geniu , qui
vale l' inclinazione o l' indole . Sò juculanu , sua
gioeosa e scherzevole . E in idda , e in essa .

Intantu Veneri
 Scuntenti , e mesta
 Gira sbattennusi
 Sula la testa :

Pri terra , ed aria ,
 Città , e chianuri
 Scurri spiannucci :
 Chi n'è di Amuri ?

Ma poi truvannulu
 Letu , e cuntenti ,
 Dissi sgridannulu :
 Ah ! sconuscenti !

Cussì dimentichi ,
 Barbaru , ingratu
 La matri propria ,
 Chi t' à addivatu ?

Spiannucci , domandando loro .

Matri pirdunami ,
 Dissi Cupidu ,
 Mi parsi a videri
 Ccà lu miu nidu :

L'anni mi scursiru
 Cussì suavi ,
 Chi 'un potti accorgirmi ,
 Chi tu mancavi .

Fini .

Mi parsi a videri , m' sembrò di vedere . Ccà
 lu miu nidu , quà il mio nido . Chi 'un potti ,
 che non potei . Chi tu mancavi , che tu non vi
 eri .

O D I XV.

Lu gesuminu .

1

Gesuminu , ta m' ammaschi ;
 E nùn yiju lu pirchè !
 Stari in menzu di sti raschi ,
 Nu lu negu , ch' è un gran-chi .

2

Ma li rosì , e l' amaranti
 C'aju vistu unni s' à tù ;
 Un' onuri datu a tanti ,
 E' finutu , 'un vali chiù .

M' ammaschi , mi fai il sostenuto in atto minaccioso . Raschi , fior di latte . qui è allegoria . C'aju , vi ho . Unni s' , dovè sei . 'Un , non . Chiù , più .

3

Cu ssa boria , e ssa livata ,
 Tu ti cridi quasi un Rè?
 Ma nun passa sta jurnata ,
 Ca finisci cu l' olè .

4

Supra donni lu sò fastu
 Nuddu mai fundari pò ;
 Forsi v' ananu , ma a tastu ;
 Oggi sì , dumanì nò .

5

Vidi 'nterra spampinatu
 Ddu galofaru , ch' è ddà?
 Chistu ajeri fu aduratu ,
 Comu nautra deità .

*Ssa livata , cotesta andatura superba . Sta
 jurnata , questo giorno : Olè , interiezione di
 gabbo fatto altrui . Nuddu , nessuno . A tastu ,
 ad assaggio . Ddu , quel . Ddà , colà . Chistu ,
 questo . Nautra , altra .*

Ora 'un tocca chiù cantusciu ;
 Si ci spii, dici: oimè !
 Pirchè sugnu afflittu , e musciu ,
 Pietà pri mia 'un ci nn' è !

Benchè elettu ntra li ciuri ,
 Gesiminu , ora sì-tù ;
 Forsi avrai pri successuri
 Li chiù tinti , chi ci sù .

Chi unni regna l' incostanza ,
 E' cuccagna ; e sai pirchè ?
 Pirchè ogn' unu avi spiranza ,
 Oggi nò , dumani sì .

Fini .

'Un , non . Cantusciu , veste donnesca . Si ci-
 spii , se gli chiedi . Sugnu , sono . Musciu ,
 vizzo . Pri mia ec. per me non ve n' è . Ntra li
 sciuri , fra l' fiori . Chiù tinti , più vili . Chi
 ci sù , che vi sono . Unni , dove .

O D I XVI.

L' aruta .

Malannata chi vi vegna
 Rosi, Gigghi, e Gèsuminr,
 Nudda Ninfa chiù vi tegna
 'Ntra lu sò pittuzzu finu ;

Nici pallida, e trimanti,
 Anelanti, e strangusciuta,
 Sarria morta 'ntr' un' istanti,
 Si nun era pri l' aruta .

Sia decretu di l' Amuri ,
 Sia destinu sconuscenti ,
 Li chiù Beddi 'ntra cert' uri
 Sú soggetti a st' accidenti :

Malannata , *malanno* . Nudda , *nessuna* . Ntra
 lu sò , *nel suo* . Pittuzzu , *vez. di petto* . Stran-
 gusciuta , *tramortita* . Ntr' un , *in uno* . Sù ,
 sono . A sti , a questi .

A lu cori si cci abbija
 Una negghia , un nuvuluni ;
 Chi li torci , sforasija !
 Comu vipari , e seursuni ;

E ci movi tanta guerra ,
 Chi tu velu palpitanti ,
 Laceratu cadi a terra ,
 E ni tremanu l'amanti .

Sciuri , vui superbi assai
 Pri tant' abiti pompusi ,
 Ntra st' Oceanu di guai
 Stati friddi , ed uzziusi !

A chi tantu esaggerati
 La fraganza chiu' esquisita ,
 Si c' accrisci , o sciuri ingrati ,
 Lu disordini a la vita ?

*A lu cori si cci abbija , loro si scaglia al
 cuore . Sforasija , tolga il cielo . Sciuri , fiori .*

Ma l'aruta , ch'è pudica ,
 Benchè pocu sociali ,
 E' la chiù fidili amica
 Di li spiriti vitali .

Non ostenta lu sò fastu
 Cu li varii culuri ;
 E nun duna nuddu rastu
 Di l' intrinsecu valuri .

Chi virtù , benchè privata ,
 Benchè povera , e dimissa ,
 Vivi simplici , e beata ,
 E s' appaga di se stissa .

Fini.

Sò , suo . Nuddu , nessuno . Rastu , orma ,
 q̃ vale indizio.

La colica.

Na dogghia colica
Già ni rapia,
Lu megghiu mobili
Di Citeria.

La Parca orribili
Di dardu armata,
Dintra li visceri
S'era appustata.

Addiu, (gridavanu
Tutti l'amanti)
Addiu, vè chiuditi
Regnu galanti.

Tutti sti lagrimi
Junceru in celu;
Ed eccu Veneri
S'arma di zelu:

Na, una. Lu megghiu, il migliore. Sti,
questi. Junceru, arrivarono:

Giovi , proteggimì ,
 (Dissi cu'impegnu ,)
 Vacilla l' ancora
 Di lu' miu Regnu .

Rendi sta giuvina ,
 Rendila a mia ;
 Poi crepi invidia ,
 E gilusia .

Dissi ; (oh prodigiu !)
 Giovi balena ;
 E in terra canciasi
 Tutta la scena :

Cessa lu spasimu ;
 Nici è brillanti ;
 Rivali crepanu ;
 Ridinu amanti .

Fini .

O'D I XVIII.

*Lu sistema sessuali di li ciuri
di lu cel. Linneu.*

Nici sai pirchè stu ciuri,
Chi stà sutta la tua gorgia,
Tanta pompa, e lussu sforgia
Di fraganza, e di culuri?

Pirchè è un lettur nuziali,
Chi natur' à preparatu
A 'na Zita, ch' avi allatu
Deci spusi in fiocchi, e in gali (*)

Vidi quantu sù galanti
L' apparati, li curtini!
Quantu vaghi, quantu fini
Sù li rasi di li canti!

Tra 'na conca, chi c' è 'mmenzu
Stà la spusa, e ogni maritu,
Aspittannu lu sò invitu,
A l'abbrazzi è già propenzu.

A na zita, ad una zitella sposa.

(*) Fiore che appartiene, secondo Linneo, alla classe « Decandria Monoginia. »

Tra li palpiti amurusi
 Si distilla la ducizza, (*)
 Chi si cogghi a stizza a stizza
 Poi da l'api industriusi ...

Ma tu canci, oimè, d'aspettu!
 Tu ti copri di russuri!
 Nun è chistu, ah nò, lu ciuri,
 Chi conveni a lu tò pettu.

Eccu ccà chist' autru: Osserva:
 Ccà c'è sula 'na Spusina, (**)
 Chi 'na pura ciamma fina
 Per un Zefiru cunserva.

Chi si raccogghi a stizza a stizza, *che si raccoglie a goccia a goccia*. Chistu, questo. Eccu cca chist' autru, ecco quà quest' altro:

(*) La segregazione del nettare (dice Chaptal Elem. di Ch. vol. 4. pag. 133. traduz. del Porta) si fa nell'epoca della fecondazione. Si può riguardarla come il veicolo, e l'occipiente della polvere fecondante, che facilita l'aprimiento de' globuli ripieni di polvere fecondante.

(**) Fiori della vigesima seconda classe detta » Dioecia. »

Iddu pàrti all' alba avanti
 E radennu prati, e lidí,
 Tra li ciuri si providi
 Di l' assenzi fecundanti (*)

Senza pausa scurri, e in fretta
 Movì l' una, e l' autr' aluzza,
 E amurusu poi li spruzza
 Sù lu spusa, chi l' aspetta.

Vidi comu a lu sò ciatu,
 Idda s' anima, e ravniva?
 Nici apprendi a quantu arriva
 Un' amuri dilicatu!

Ed ammira, o Cori miu,
 Jetta l' occhìu a tutti banni:
 Quant' estisu, quantu granni
 'E l' imperiu di stu Diu!

Fini.

Senza pausa, senza posa. L' aspetta, lo attende. Vidi, vedi. Ciatu, fiato. Idda, essa. Jetta l' occhìu a tutti banni, guarda da per tutto.

(*) Sembra che questa osservazione, creduta nuova sino quasi ai nostri tempi, non fos-

O D I XIX.

La munita fausa.

E' persu , è persu , o Amuri ,
 E' persu lu negoziu ;
 Nun c'è chiù dicituri ;
 Tutta la genti è in oziu ;
 E sai , chi nn' è la causa ?
 Curri munita fausa .

Li beddi duppii antichi ,
 Di *Cori meu* , eu t'amu ,
 Ora si tu li strichi ,
 Sù pannidduni , e ramu ;
 Lu chiantu , chi cumpagnu
 Fu a la cuppella , è stagnu .

Fausa , falsa , adulterata . Strichi , strofini .
Pannidduni , foglia d' oro , ed argento che si
sovrappone al rame , o ad altro metallo .

se sfugita agli antichi , quindi hanno supposto Zefiro innamorato di Flora , e questa di esso . Chi sa quante verità di fisica , e di storia naturale a noi ignote ancora , si chiudono sotto il velo delle favole mitologiche , credute da noi inutili , e stravaganti ?

L' unzini, chi currianu
 Di vintidui carati,
 Chi per impronta avianu
Li sguardi appassionati,
 Ora si n fai prova,
 Chi sù? testi di chiova.

Li Ginuini, e Scuti
 Di li *Suspiri ardenti,*
 Di li *discursi muti,*
Paroli rutti in denti ...
 L' intressu, oimè! la briga
 Falsificau la liga.

Di vinti dui carati, *d' oro purissimo.* Chi
 sù, *che cosa sono.* Chiova, *chiodi.* Ginuini o
 scuti, *sorte di monete,*

Curra 'ntra li striguni
 Un tempu sta munita ;
 La fici poi comuni
 Qualchi cajorda ardita ;
 Ora cui junci campa ,
 'Teni la cugnu , e stampa .

Dimm' ora : cu è dd' armali ,
 Chi arrisicari vogghi ,
 Lu propriu capitali
 A fruntì di sti 'mbrogghi?
 Amuri , s' è pri mia ,
 Poi chiudiri putia .

Fini .

Cajorda , donna vile e succida . Cui junci , chiunque arriva . Campa , s' industria a vivere , e gli basta volerlo , alleg. Cugnu , conio , Cu è ddu , chi è quello . Arrisicari vogghi , arrischiare voglia . Di sti 'mbrogghi , di cotesti imbrogli . Pri mia , per me . Poi ... putia , puoi ... bottega .

Li Baecanti.

1

Li testi fumanu;
 Già semu cotti;
 Buttigghi, e gotti
 Vegnanu ccà.

Vajanu a càncaru
 Sennu, e giudiziu;
 Oggi sia vizio
 La gravità.

2

Ntra la mestizia
 Li guai s'avanzann;
 Sulu si scanzanu
 Stannu accussì.

Semu, siamo. Cotti, idiot. che vale ubbria-
 chi. Gotti, bicchieri.

La Ciospa 'nzemmula ,
 Lu calasciuni ,
 Vini abbuluni ,
 E amici 'nzi .

3

Fumu è la gloria ;
 L' amuri é focu ;
 E' un scherzu , un jocu
 La gioventù .

Prima chi tremula
 Vicchiaja arriva ,
 Si sciali , e viva
 A cui pò chiù .

4

Proi ssa ciotula
 Bedda picciotta ,
 Ch' iu ntra na botta
 L' asciuchirò !

Comu rivugghinu
 Sti bianchi scumi
 Vugghia , ed addumi
 Lu cori tò .

La ciospa , l' innamorata . 'Nzemmula ; assieme . Abbuluni , a bizzaffe . 'Nzi , in allegria . Jocu , giuoco . Si sciali , e viva , si sollazzi e si beva . A cui pò chiù , a chi più la può . Proi , porgi . Picciotta , ragazza . Ch' iu ntra na botta , che io in un colpa . Sti scumi , queste schiume . Vugghia , bolla .

A lu cori si cci abbija
 Una negghia , un nuvuluni ;
 Chi li torci , sforasija !
 Comu vipari , e seursuni ;

E ci movi tanta guerra ,
 Chi tu velu palpitanti ,
 Laceratu cadi a terra ,
 E ni tremanu l' amanti .

Sciuri , vui superbi assai
 Pri tant' abiti pompusi ,
 Ntra st' Oceanu di guai
 Stati friddi , ed uzziusi !

A chi tantu esaggerati
 La fraganza chiù esquisita ,
 Si c' accrisci , o sciuri ingrati ,
 Lu disordini a la vita ?

*A lu cori si cci abbija , loro si scaglia al
 cuore . Sforasija , tolga il cielo . Sciuri , fiori .*

Ma l'aruta , ch'è pudica ,
 Benchè pocu sociali ,
 E' la chiù fidili amica
 Di li spiriti vitali .

Non ostenta lu sò fastu
 Cu di varii culuri ;
 E nun duna nuddu rastu
 Di l' intrinsecu valuri .

Chi virtù , benchè privata ,
 Benchè povera , e dimissa ,
 Vivi simplici , e beata ,
 E s' appaga di se stissa .

Fini.

Sò , suo . Nuddu , *nessuno* . Rastu , *orma* ,
qz vale indizio.

La colica.

Na dogghia colica
Già ni rapìa,
Lu megghiu mobili
Di Citeria.

La Parca orribili
Di dardu armata,
Dintra li visceri
S'era appustata.

Addiu, (gridavanu
Tutti l'amanti)
Addiu, vè chiuditi
Regnu galanti.

Tutti sti lagrimi
Junceru in celu;
Ed eccu Veneri
S'arma di zelu:

Na, una. Lu megghiu, il migliore. Sti,
questi. Junceru, arrivarono.

Giovi, proteggimi,
 (Dissi cu impegnu,)
 Vacilla l' ancora
 Di lu miu Regnu.

Rendi sta giuvina,
 Rendila a mia;
 Poi crepi invidia,
 E gilusia.

Dissi; (oh prodigiu!)
 Giovi balena;
 E in terra canciasi
 Tutta la scena:

Cessa lu spasimu;
 Nici è brillanti;
 Rivali crepanu;
 Ridinu amanti.

Fini.

O'D I XVIII.

*Lu sistema sessuali di li ciuri
di lu cel. Linneu.*

Nici sai pirchè stu ciuri,
Chi stà sutta la tua gorgia,
Tanta pompa, e lussu sforgia
Di fraganza, e di culuri?

Pirchè è un lettur nuziali,
Chi natur' à preparatu
A 'na Zita, ch' avi allatu
Deci spusi in fiocchi, e in gali (*)

Vidi quantu sù galanti
L' apparati, li curtini!
Quantu vaghi, quantu fini
Sù li rasi di li canti!

Tra 'na conca, chi c' è 'mmenzu
Stà la spusa, e ogni maritu,
Aspittannu lu sò invitu,
A l'abbrazzi è già propenzu.

A na zita, ad una zitella sposa.

(*) Fiore che appartiene, secondo Linneo, alla classe „Decandria Monoginia.“

Tra li palpiti amurusi
 Si distilla la ducizza, (*)
 Chi si cogghi a stizza a stizza
 Poi da l'api industriusi ...

Ma tu canci, oimè, d'aspettu!
 Tu ti copri di russuri!
 Nun è chistu, ah nò, lu ciuri,
 Chi conveni a lu tò pettu.

Eccu ccà chist' autru: Osserva:
 Ccà c'è sula 'na Spusina, (**)
 Chi 'na pura ciamma fina
 Per un Zefiru cunserva.

Chi si raecogghi a stizza a stizza, *che si raccoglie a goccia a goccia*. Chistu, *questo*. Eccu cca chist' autru, *ecco què quest' altro*.

(*) La segregazione del nettare (dice Chaptal Elem. di Ch. vol. 4. pag. 133. traduz. del Porta) si fa nell'epoca della fecondazione. Si può riguardarla come il veicolo, e l'occipiente della polvere fecondante, che facilita l'aprimiento de' globuli ripieni di polvere fecondante.

(**) Fiori della vigesima seconda classe detta » Dioecia. »

Iddu parti all' alba avanti
 E radennu prati, e lidi,
 Tra li ciuri si providi
 Di l' assenzi fecundanti (*)

Senza pausa scurri, e in fretta
 Movi l' una, e l' autr' aluzza,
 E amurusu poi li spruzza
 Sù lu spusa, chi l' aspetta.

Vidi comu a lu sò ciatu,
 Idda s' anima, e ravniva?
 Nici apprendi a quantu arriva
 Un' amuri dilicatu!

Ed ammira, o Cori miu,
 Jetta l' occhju a tutti banni:
 Quant' estisu, quantu granni
 'E l' imperiu di stu Diu!

Fini.

Senza pausa, senza posa. L' aspetta, lo attende. Vidi, vedi. Ciatu, fiato. Idda, essa. Jetta l' occhju a tutti banni, guarda da per tutto.

(*) Sembra che questa osservazione, creduta nuova sino quasi ai nostri tempi, non fos-

La munita fausa.

E' persu , è persu , o Amuri ,
E' persu lu negoziu ;
Nun c' è chiù dicituri ;
Tutta la genti è in oziu ;
E sai , chi nn' è la causa ?
Curri munita fausa .

Li beddi duppîi antichi ,
Di *Cori meu* , *eu t' amu* ,
Ora si tu li strichi ,
Sù pannidduni , e ramu ;
Lu chiantu , chi cumpagnu
Fu a la cuppella , è stagnu .

Fausa , falsa , adulterata . Strichi , strofini .
Pannidduni , foglia d' oro , ed argento che si
sovrappone al rame , o ad altro metallo .

se sfugita agli antichi , quindi hanno supposto Zefiro innamorato di Flora , e questa di esso . Chi sà quante verità di fisica , e di storia naturale a noi ignote ancora , si chiudono sotto il velo delle favole mitologiche , credute da noi inutili , e stravaganti ?

L' unzini, chi currianu
 Di vintidui carati,
 Chi per impronta avianu
Li sguardi appassionati,
 Ora si ni fai prova,
 Chi sù? testi di chiova,

Li Ginuini, e Scuti
 Di li *Suspiri ardenti,*
 Di li *discursi muti,*
Paroli rutti in denti ...
 L' intressu, oimè! la briga
 Falsificau la liga.

Di vinti dai carati, *d' oro purissimo.* Chi
 sù, *che cosa sono.* Chiova, *chiodi.* Ginuini o
 scuti, *sorte di monete.*

Curria 'ntra li striguni
 Un tempu sta munita ;
 La fici poi comuni
 Qualchi cajorda ardita ;
 Ora cui junci campa ,
 'Teni la cugnu , e stampa .

Dimm' ora : cu è dd' armali ,
 Chi arrisicari vogghi ,
 Lu propriu capitali
 A fruntì di sti 'mbrogghi?
 Amuri , s'è pri mia ,
 Poi chiudiri putia .

Fini .

Cajorda , donna vile e succida . Cui junci , chiunque arriva . Campa , s'industria a vivere , e gli basta volerlo , alleg. Cugnu , conio , Cu è ddu , chi è quello . Arrisicari vogghi , arrischiare voglia . Di sti 'mbrogghi , di cotesti imbrogli . Pri mia , per me . Poi ... putia , puoi ... bottega .

Li Baecanti.

1

Li testi fumanu;
Già semu cotti;
Buttigghi, e gotti
Vegnanu ccà.

Vajanu a càncara
Sennu, e giudiziu;
Oggi sia vizio
La gravità.

2

Ntra la mestizia
Li guai s'avanzann;
Sulu si scanzanu
Stannu accussì.

Semu, siamo. Cotti, idiot. che vale ubbria-
chi. Gotti, bicchieri.

La Ciospa 'nzemmula ,
 Lu calasciuni ,
 Vini abbuluni ,
 E amici 'nzì .

3

Fumu è la gloria ;
 L' amuri é focu ;
 E' un scherzu , un jocu
 La gioventù .

Prima chi tremula
 Vicchiaja arriva ,
 Si sciali , e viva
 A cui pò chiù .

4

Proi ssa ciotula
 Bedda picciotta ,
 Ch' iu ntra na botta
 L' asciuchirò !

Comu rivughinu
 Sti bianchi scumi
 Vughia , ed addumi
 Lu cori tò .

La ciospa , l' innamorata . 'Nzemmula ; assieme . Abbuluni , a bizzesse . 'Nzi , in allegria . Jocu , giuoco . Si sciali , e viva , si sollazzi e si beva . A cui pò chiù , a chi più la può . Proi , porgi . Picciotta , ragazza . Ch' iu ntra na botta , che io in un colpo . Sti scumi , queste schiume . Vughia , bolla .

Tasta stu balsamu ,
 Tastalu chissu ,
 L' amuri stissu ,
 Ccà dintra c' è .

Comu arrussicanu
 Ssi mascidduzzi !
 Oh li labbruzzi !
 Talè talè .

Scurra l' Oceanu
 L' Inglisi audaci ,
 Ch' eu vogghiu in paci
 Starimi ccà .

Si poi lu Pelagu
 Vinu farria ,
 Jeu seurriria
 Forsi chiù ddà .

Addumi , avvampi , Tò , tuo . Tasta , assag-
 gia . Stu , questo . Balsamu , *allegoricamente*
vino prelibato . Chissu , *cotesto* . Arrussicanu ,
rosseggiando . Ssi mascidduzzi , *coteste gottucce* .
 Talè talè , *guardatele attentamente* . Ccà , quì .
 Chiù ddà , *più al di là* .

7

Sinu a lu Messicu
 Vaja l' Avaru,
 Cerchi ogni scaru
 Di lu Perù.

Ntra sciaschi, e bummali
 Sù li ricchizzi,
 Li cuntintizzi,
 Ddà dintra sù.

8

Morti nun curasi
 D' oru, o di ramu;
 Dunca tummamu,
 Buttigghi olà.

Spittarla serii
 E' cosa grevia,
 Li jorna abbrevia,
 Sicchi ci fa.

*Vaja, vada. Searu, seno o luogo stretto di
 mare. Bummali, vasi di ereta col collo stretto,
 da contener liquori. Sù, sono. Tummamu,
 beviamo fuor di misura. Grevia, stocchevole.
 Li jorna, li giorni.*

Fora li trivuli ;
 Allargu vaja
 Grunna , e vicchiaja ;
 Resti l' olè .

Gridi : trinch-vaine ;
 Fràula curtisa
 Maestres francisa ;
 Alon touchè .

10

Tavuli , e brinnisi ,
 Amanti , amici ,
 Fannu felici
 L' umanità !

Viva lu viviri ;
 Viva lu jocu ;
 Viva lu focu ;
 Chi in pettu stà .

Fini .

Trivuli , guai . Allargu vāja , vada lungi .
 Grunna , tristezza . Trinch-vaine , espressioni
 tedesche , che significano , bevi vino . Lu vivi-
 ri , il bere .

O D I XXI.

D. Chisciotti .

Sutta un' antica quercia ,
 Chi attraversu spurgiada un vausu alpestri ,
 Cu 'na manu a la frunti , D. Chisciotti
 Mestissimu sidia : 'na rocca allatu
 Di chiàppari cuverta , e la pinnenti .
 Areddara d' attoron a la sua cima
 Facianu pavigghiuni a la sua testa ;
 Ripusava oziusa la gran spata
 Tra la purvuli , e l' erva : a un viridi ramu
 Stava appujata l' asta di la guerra ,
 Sutta un vrazzu lu scutu , e l' elmu a terra .
 Comu nuvuli densi di molesti
 Minutissimi insetti , a scheri a scheri
 L' amurusi pinseri
 S' affuddavanu tutti a la sua menti :

*Vausu , balza . Cu 'na , con una . Chiàppari ,
 eappari . Areddara , edera . Vrazzu , braccio .
 Pavigghiuni , padiglione .*

Tra li sospiri ardenti,
 Quasi accisu Vulcanu, lu sò pettu
 Fumu, e sciammi esalava:
 E mentri intornu intornu
 Li valli, e li furesti
 Taciti, attenti, e mesti
 Si stannu spettatori a la gran scena,
 Cusì cantannu sfoga la sua pena.

Munti, e vausi, menu duri
 Di lu cori di dd' Ingrata;
 Petri, trunchi, erbetti, e sciuri,
 Chi adurnati sta vallata,
 Deh! salvatimi d' amuri,
 Chi mi à l' alma trapanata;
 O parrati vui pri mia
 A la cara Dulcinia.

Sò, suo. Sciammi. *fiamme*. Vausi, *balze*.
 Di dda, di quella. Sciuri, *fiore*. Sta, questa.
 Parrati vui pri mia, *parlate voi per me*.

Sciumiceddu lentu lepu,
 Chi di l' unni cristallini
 Vai spargennu lu lamentu
 A li voscura vicini,
 Di stu cori lu turmentu
 Dimmi tu si avirà finì?
 Ah! dumannacci pri mia
 A la cara Dulcinia.

Zefiretti, chi lascivi
 Cu lu sciatu innamoratu
 Li mei sciammi ardenti, e vivi
 Chiù m' aviti oimè! sbacipatu,
 Ah! squagghiati, vui, la nivi
 Di ddu cori, ch'è 'ughilatu,
 Acciò bruci, comu mia
 La mia cara Dulcinia.

Sciumiceddu, *fiumicello*. Unni, *onde*. Voscura, *boschi*. Stu, *questo*. Dumannacci ec. *domandate in mia vece*. Squagghiati, *liquefatti*. Di ddu ... *guilatu*, di *quel agghiacciato*.

Ocidduzzi , chi cuntenti
 Tra li' rami , e tra li sciuri
 A lu Suli già nascenti
 Intricciati inni d'amuri ,
 Deh ! pristatimi l' accenti ,
 Cusì grati , e cusì puri ;
 Acciò gratu , e accéttu sia
 A la cara Dulcinía .

Da sti vausi , unn' eu m' aggiru .
 Miu tirannu amatu Benì ,
 L' aria stissa , ch' eu respiru ,
 Missaggera a tia già veni ;
 Porta acchiusi ntra un sùspiru
 Li mei crudi acerbi peni ;
 D. Chisciotti è , chi l' invia
 A la cara Dulcinía .

Fini.

Da sti vausi , da queste balze . Unn' eu , do-
 ve io .

La morti di Saffu.

Dupa un tonu pateticu la lira!
Ch' infaustu auguriu oimè!
La Musa mia Polinnia suspira!
Oh Celu! chi cos' è?

Musa ... ma tu non senti, e guardi attenta
Un' eminenti rocca,
Comu cui vidi cosa, chi spaventa,
O chi l' affliggi, e tocca! ...

Cala da l' occhi mei la benna: ah! vista!
La Lesbia Donna è in autu!
Comu a gran passi l' eminenza acquista
Di lu fatali sautu!

Li trizzi scioti, in aria li vrazza!
Anelanti lu pettu!
Lu palluci di morti ci sbulazza
Tra lu smarritu aspettu!

*Cala, abbassa. Benna, benda. In autu, in
alto. Sautu, salto. Li trizzi scioti, le treccie
scarmigliate. Vrazza, bracci.*

Scintillanti lu sguardu, e furiusu

Or' a lu celu spinci,

Ora l'abbascia, e lu sprofunna jusu;

Inorridisci, e 'mpinci.

Ma nova furia eccu la scoti, e smovi

Con impetu maggiuri,

Suspira, ed ogui vausu si commovi.

Stà sulu firmu amuri.

Fermati scunsigghiata; e 'un tinni adduni,

Ch' è ceçu cui ti guida?

L'arbitriu tò c' ai datu! Lu picciumi

Cui ad un corvu affida?

Quant' è crüdu nun sai? Chi ni accansasti

Da supplichi divoti?

Lu cori, ch' in deliquiu squagghiasti

Tra l'amurusi noti!

Cu la sua lira Orfeu risi placatu

Di Plutu lu fururi;

Ma quantu di Plutuni chiù spietatu

Saffu tu provi Amuri! ...

Un tinni adduni, non te ne accorgi. Chi ni
accanzasti, che ne ottenesti.

Ma li paroli mei spargiu a lu ventu .
 Già junta è all' orlu ! ... Oh Dîu !
 L' occhiu 'un resisti ... Oimè ! Lu bottu . eu
 Già l' unna l' agghiuttîu ! ... sentu

L' unna , chi fora gurgughgianuu manna .
 L' ultimû sò assaccuni ,
 Chi mentril' aria 'ngramagghiannu appanna
 Risona : Oimè Fauni !

Chiancinu li Nereadi tutti in luttu ,
 E intenti a li vinditti
 Veneri l' arcu c' à ad Amuri ruttu ,
 Li grazj li saitti .

Jettanu a terra in Pindu ed Arpi, e liri
 Apollu , e li Cameni ,
 E si disfannu in lagrimi , e sospiri
 A mari li Sireni .

*Lu bottu , il botto o il rumore. L' agghittiu ,
 la inghiotti . 'Ngramagghiannu , vestendo di gramaglia . Jettanu , gettano .*

Meli Vol. II.

La benda torna all'occhi mei. Mia lira
 Nun duna sonu chiù !
 Saffu d' Amuri nun placau mai l'ira.
 Chi ni spiramu nui?

Chi ti lusinghi cu sta canzonedda
 Poeta miserabili ?

'Mmmatula preghi, e incensi la tua Bedda
 Amuri è inesorabili .

Fini.

. Chigi , più . Canzonedda , *cansonecina*. 'Mma-
 tula , indarno , Bedda , *bella* .

Lu Rusignolu.

La tranquilla notti imponi
Paci, e calma a tutti quanti,
Mentri tu graditu intoni
Rusignolu li toi canti.

Tu Campagnu sò diletta,
Tu delizia di stà Dia,
Tu si l'organu perfettu
Di la vera miludia.

La suavi tenerizza,
Chi la vuci tua diffunni,
Tutti aspergi di ducizza
Celu, campi, vaddi, ed unni.

Tra ssà gorgia tua canora
Grazj, e Amuri un nuddu ci ànnu
D' unni scavanu poi fora
Tra li noti sbulazzannu:

Tu sì, tu sei. Vaddi, valli.

Ch' ora scurrinu affrattati,
 Ora mustranu languenti,
 Chi sù in lingui 'nzuccarati
 Duci puru li lamenti.

Di l' oricchi a li confini
 La tua vuci nò, nun mori;
 Ma li Grazj, l' Amurini
 La trasfundinu a lu cori.

Ddà s' insinua, ddà risbigghia
 Tra li puri, e novi' affetti
 La patetica famigghia
 Di l' incogniti diletti.

La tua scena è la foresta,
 E li griddi cu ottavini
 Fannu armonica un orchestra
 A li noti toi divini.

Chi da munti in vaddi, e in chiassi
 D'ecu ad ecu ribumbannu,
 Si ripetinu luntani
 L' umbri stupidi avvivannu.

Chi sù, *che sono*. Duci puru, *dolci pure*.
 Griddi, *grilli*. Ddà, *colà*. Risbigghia, *risve-*
glia.

Cori fini, e non corrutti
 La natura ccà v' invita ,
 Li delizj puri tutti
 Ccà cunserva di la vita .

Quannu l' omini li spaddi
 Ci vutaru a sta gran Matri
 Si fic' idda in munti , e in vaddi
 Li sublimi soi teatri .

Sì ... poi dissi : ingrati figghi ,
 Si ... goditivi di l' arti
 Tanti commodi , e 'mmizzigghi ,
 Ch' idda chiusi vi cumparti .

Ch' eu vi lassu a li rancuri
 D' inquieta ambizioni
 E a li tristi dissapuri
 Di buggiarda illusioni .

Fini .

Ccà , quà . Spaddi , *le spalle* . Ci vutaru , *le*
rivolsero . Si fic' idda , *si fece essa* . In munti ,
 e vaddi , *in monti e valli* . 'Mmizzigghi , *carez-*
ze . Ch' idda , *che essa* . Ch' eu , *che io* . Dis-
 sapuri , *amarezze* .

Lu briu.

Sugnai di vùdiri (*)
 'Ncostu di un fonti
 Lu saggiu, e lepidu
 Anacreonti.

Chi a lu sò solitu
 Supra un' arpetta
 Ia ripassandusi
 Sta canzunetta:

Mentri mi tillica
 'Mpettu lu briu,
 Chiù nun desideru,
 Lu munnu è miu.

'Ncostu di un fonti, *vicino ad un fonte*. Chi a lu sò solitu, *che secondo il suo consueto stile*. Ia, *andava*. Tillica, *solletica*. 'Mpettu, *in petto*.

(*) *Vidiri*. Fra i Siciliani si pronuncia col l'accento sul primo i, come nel caso presente, sebbene si pronancii altre volte col l'accento sul secondo i.

Tantu è lu giubilu ,
 Chi all' alma chiovi ,
 Chi non invidiu
 Nettari a Giovi .

Di onuri , e carichi ,
 D'oru a catasta
 Ni fazzu un brinnisi ,
 Lu briu mi basta .

In iddu l' anima
 Trovu , e l' oggettù
 D'ogni delizia ,
 Di ogni diletto .

Idd' è la sausa ,
 Chi dà sapuri
 Anchi a l' inezj
 Di un criaturi .

*Ni fazzu un brinnisi , quì vale , ne fò una
 precisione . Sausa , salsa da condir vivande .
 Criaturi , quì vale fanciullino .*

Li Varvasapj
 Cu gravità
 Tutti in' intimanu
 Serietà.

Dicemu: sciddica
 L' etati, e scappa,
 Li moddi cedinu,
 La peddi arrappa.

Sú belli chiacchiari;
 Lu briu distingui
 Vecchi da giuvini ...
 Taciti o lingui.

Eccu viditilu:
 Mentr' àju ad iddu
 Tornu a rinasciri
 Da picciriddu.

Varvasapj, *barbassori*. Sciddica, *qui vale
 scorre*. Li moddi, *le suste*. Arrappa, *s' incre-
 spa, si fa rugosa*. Chiacchiari, *ciarle*. Men-
 tr' àju ad iddu, *mentre lo possiedo s' intende il
 brio*. Da picciriddu, *da ragazzo*.

Mi si rinnovanu
 Tutti l' umori ,
 Scinni a li muscoli
 Novu viguri ...

Serj cu savii
 Vui cunfunditi ?
 Sciucchizza , o invidia
 Briu nun ni aviti.

Vecchi misantropi ,
 Da cui fuiu ,
 Forz' è nell' intimu
 Diri : eh' è un Diu .

Forz' è cencediri :
 Chi senza d' iddu
 Lù munnu è lugubri ,
 La vita è un siddu .

Scinni , *scende* . Da cui fuiu , *da cui fuggi* ,
s' intende il brio . Forz' è nell' intimu , *forz' è* ,
nell' interno del cuore . D' iddu , *di esso brio* .
 Siddu , *tedio o neja* .

E chi a sò arbitriu
 Si manifesta
 Natura all' omini
 Ridenti, o mesta.

Ricchi solliciti,
 Ambiziosi,
 Ah miserabili
 Campati illusi!

Posti, dominj,
 Ricchizzi, onuri
 Tani di vipari
 Sù tra li sciuri..

Lu briu nun calcula
 Putenza, ed oru,
 Ma in corpi vegeti
 Paci, ristoru.

Forz' è nell' intimu, *forz' è nell' interno del cuore*. D' iddu, *di esso brio*. Siddu, *tedio o noja*.

Da oggettì simplici
 Da un gestu un dittu
 Stu Diu beneficu
 Tira profittu

Ddocu ni spersimu
 Era jinnaru ,
 Li gatti , oh l'errami !
 M' arrispighiaru ..

Fini .

*Stu, questo . Ddocu ni spersimu , quì fu che
 ei dispergemmo . Era Jinnaru , Gennaro il me-
 se in ovi vanno in fregole le gatte . Oh l' erra-
 mi ! imprecazione , vale oh sciagurati ! Mi risbig-
 ghiaru , mi svegliarono .*

La paci.

E' la paci la mia amica,
 La mia cara vicinedda,
 Oh chi Diu la benedica!
 Quant'è saggia, quant'è bedda!

D'idda accantu 'un sentu guai,
 Campu spicciu, giru tunnu,
 E 'cu pocu, pocu assai
 Nent'invidiu tra stu munnu.

Si mi manciu un tozzu duru,
 Mi l'approva, e dici: sedi;
 E stu tozzu, vi assicuru,
 Mi va all'ugnu di lu pedi.

Vicinedda, vez. di vicina. Si mi manciu ec. se io mangio un torso, o sia un rimasuglio di pane duro. Mi va all'ugnu ec. mi nutrisce sino all'ugno del piede, ossia mi sazia e mi ristora pienamente. A ddi, a quelle.

Quannu posu testa a lettu
 Dormu saziu , com' un ghira ,
 Grati sonni , e di diletto
 Di la menti vannu in giru .

Ora volu , comu un cignu ,
 Ora sulcu undusi vii ,
 E durmennu disimpignu ,
 Li capricci , e li disii .

E st' immagini sugnati
 L'indumanu sunn' uguali
 A l' immagini ristati
 Da li giubili reali .

Si lu Sagra Munti acchianu ,
 A lu latu min s' incugna ,
 Cu li proprj soi manu
 Poi mi accorda la sampugna .

Acchianu , *salisco* . S' incugna , *si avvicina* .

Di dda supra mentri eu cantu ,
 Viju sutta li mei pedi
 Terra , mari , e tutta quantu
 L'omu ambiscì , e nun possedi .

E Fortuna tra 'na rota ,
 Chi currennu a rumpi-coddu
 Auta , e vascia gira , e sbota ,
 Or' a siccu , ed or' a moddu .

'Na gran turba appressu d'idda ,
 Chi ci grida supplicanti :
 Oh Dia ferma 'na scardidda
 Guard' a mia tra tanti , e tanti !

Cumpiangendu sti mischini ,
 Jeu l' amica strinciu , e abbrazzu ,
 Chi li lochi sularini
 Fà chiù grati di un palazzu .

Di dda supra , di là sopra . Viju , vedo . A
 rumpi-coddu , perduto a pericolo di fiac-
 carsi il collo . Auta , e lascia cc. alta e bassa ;
 gira e volta . Ora a siccu cc. ora a secco , ora
 a guazzo . D' idda , di essa . 'Na scardidda ,
 qui vale un poshettino . Strinciu , e abbrazzu ,
 stringo ed abbraccio . Sularini , solitari .

Chi a guardari si compiacci
 La chiù simplici capanna ,
 Lu gran fastu ci dispiacci ,
 E si vota di dda banna .

Non perciò la societati
 La disgusta : ama l' amici
 E sú pr' idda li citati
 Ricchi , floridi , e felici .

Ama l' arti ad una ad una ,
 Lu commerciu , li scienze ;
 Odia sula di fortuna
 Li capricci , e prepotenzi .

Ma poi trema , e impallidisci
 Cu 'na sincopi mortali ,
 Quann'alcunu proferisci :
 Guerra , liji , o tribunali .

Ci dispiacci , *le dispiace* . Si vota di dda banna , *si volta dall' altro lato* . E su per idda , e sono per essa . Cu na , con una .

Pirch, accordasi in compensu
 Da lu celu a un cori drittu ,
 Acciò l'oru, nè l'incenzu
 Non invidj a lu delittu ,

Ma vidennula negletta ,
 Cu maneri assai modesti-
 L'omu in idda nun sospetta
 'Na progenj celesti.

Deh tu fa Bontati Eterna
 Di stu beni imparagiabili
 Chi l'Europa ni discerna
 Lu gran prezzu inestimabili.

Fini.

Di stu beni ; di questo bene .

O D I XXVI.

La Fortuna.

Ah ca passa ! allerta , allerta !

La fortuna veni a tia !

Vacc' incontru pri la via ,
Facci asciari porta aperta ...

A sti vuci , affacciu , e viju .

Donn' altera , e risplendenti !

Prevenutu da li genti
Jeu la porta sbarachiu .

Allittata da st' omaggiu

Si avvicina , e dici : oh bravu !

Jeu ti accettu pri miu schiavu ,
Trasirai tra l' equipaggiu .

Vacci in contru , v' *ad incontrarla* . Facci
asciari , *falle trovare* . A sti vuci ec. a queste
voci *affaccio e vedo* . Sbarrachiu , sbarro , spa-
lunco . Ieu , io . Trasirai , *entrerai*

Ven' appressu , e a li toi passi
 Vidrai nasciri a l' istanti
 Li rubini , e li diomanti ,
 E tutt' autru , chi bramassi .

Si voi posti , e dignitati
 Basta sulu , chi lu dici ...
 Ma dipoi sarò felici ?
 Spiega , di la veritati ?

Si ? Risposi , ti lu jura
 Pri sta rota , chi susteni
 Tutti quanti li mei beni ,
 Ed unn' eu mi appoggiu puru ...

Basta , basta ben capisciu ,
 Ci diss' iu , stu juramentu ,
 Lu tò granni appidamentu
 Già lu viju , e ni stupisciu .

Ed unn' in , e dove io . Puru , pure o sia ancora . Appidamentu , base . Già lu viju , già lo vedo .

Ma m'è licitu purtari
 La mia paci sta vicina ,
 Chi la sira, e la matina
 Cu mià sempri soli stari ?

Nò , rispusi , avverti a tia ,
 Pri decretu di lu fatu
 Sta marmotta , chi t'è allatu ,
 Nun pò vènniri cu mia .

Dunca và , diss'iu m'addugnu ,
 Chi s'instabili , e fallaci ,
 Purchè resti in mia la paci ,
 Staju bonu ccà unni sugnu .

Ristau fridda , comu nivi .
 Poi pretisi fari scasciu ;
 M'eu mi misi tantu vasciu ,
 Ca di l'occhi ci spirivi .

Fini.

A tia , a te . Stà , questa . Marmotta , animale noto . Si dice per ingiuria a chi si vuole incolpar di stupidizza . Dunca và , dunque va via . Mi addugnu , mi accorgo bene . Staju ec. sto bene quì , dove sono . Ristau , restò , Fari scasciu , quì vale , far vendetta clamorosa . Mi misi ec. mi acquattai . Ca di l'occhi ec. che le sparìi dagli occhi .

O D I XXVII.

Lu geniu di Anacreonti

Struggennu l' Attica
Discordia, e Marti,
Raminghi seursiru
Musi, e bell' arti:

Sbraccaru seculi
Timidi, ansanti,
A la barbarii
Fuennu avanti.

Doppu tri milia
Vicenni, e chiui
Già quasi scheretri,
Vinniru a nui.

Però lu Geniu
Di Anacreonti
Tutt' ora bazzica
Sull'orizzonti;

*Sbraccaru, saltarono. Fuennu, fuggendo.
E chiui, e più. Bazzica, si trattiene o spaziasì.*

Chi nun trovannusi
 Ben dignu alloggiu
 Và trastollandusi
 Da poggju in poggju.

Bell' a vidirisi !
 Pari a la cera
 Lu risu amabili
 Di primavera !

Li rai chiù vividi
 Di lu matinu
 Tutti accarizzanu
 St' estro divinu !

Li Grazj liberi
 Di ogni ligami
 L' allapitianu
 A sciami a sciami :

Scherzi, ed imagini
 Fini, ed ameni
 Brillanu, abbagghianu,
 Comu baleni.

A vidirisi, a vedersi. Accarizzanu, careggiano. Allapitiano, l' accerchiano, come le pecchie il favo.

L' Amuri spreminu
 In iddu immersi
 Meli, ed ambrosia
 Da li soi versi .

Sua benchì simplici,
 Grata armonia
 Seaccia li trivuli,
 L' almi arrieria .

Ccà, e ddà sbulazzanu
 Cu gratu intricciu
 Li jochi a geniu
 Di lu capricciu .

Lu Briu, chi domina
 Sta schera eletta,
 Tìllica, e stuzzica , *
 Rallegra , alletta ...

In iddu , *in esso* . Li trivuli , *le malinconie* ,
 Arrieria , *ricrea* . Li jochi , *li giochi* . A ge-
 niu , *qui vale a volontà o a piacere* .

* *Tillica* , coll' accento sul primo , qui vale ,
solletica .

Mentr' cu cu palpiti
 Di godimenti
 Sintia rapirmi
 Da sti portenti ;

Lu Geniu guardami
 Gratu , e curtisi
 Attu a slanciarisi
 Ad ali tisi .

Poi tuttu 'nzemmula
 Si adumbra , e fui .
 Ahi pisi , e cancarì
 Culpati vù !

Fini.

*Tuttu 'nzemmula ; tutto ad un tratto , Fui ,
 fugge . Pisi , e cancarì , pesi e guai .*

O D I XXVIII.

Innu a Baccu.

Quali, o lira, quali mai.
Din beneficu a li genti
Risunari tu farai
Tra li cordi toi 'ntinnenti?

Forsi Vèneri, ed Àmuri
Primi fonti di la vita?
M'a li miseri è favuri
Di li guai sta calamità.

A tia Baccu allegru Diu
Spicca st'innu li soi voli:
Da tia scinni in nui lu briu,
Tu sì chiddu, chi consoli.

Da tia scinni, da te scende... Tu sì chiddu,
tu sei quello.

Doppu chi sbuccaru fora
 Abbuluni pesti, e mali
 Da lu vasu di Pandora
 Jennu addossu a li mortali,

Scacciau Giovi da li celi
 Ea pietà; ma poi si risi,
 Pri la morti di Semeli,
 A l'impulsi soi curtisi.

D'idda scossu, e insinuatu
 Vosi a miseri viventi,
 Chi un compensu fussi datu
 Pri li tanti patimenti.

A st'oggettu estrassi in vita
 Da la ventri fulminata
 Lu bambinu, e poi lu 'nzita
 Tra 'na coscia sua biata;

Abbuluni, a bizzeffe, Jennu addossu, qui
 vale scaricandosi sopra. Si risi, si rese. Pri,
 per. Curtisi, cortese, arrendevole. Vosi, volle.
 Lu 'nzita, lo innesta.

Ddà cumpiù li novi luni
 Di lu Patr' in cumpagnia;
 Natu poi vinni abbuluni
 D' iddu attornu l' alligria.

Là sua facci spira grazj
 E' una flora di delizj,
 Li Nisei Ninfi mai sazj
 Sù di faricci carizj.

Cui jucannu lu scummetti,
 Nautra cantacci la ninna:
 Cui sunannu scattagnetti
 Sauta, e abballa linna linna.

Va Silenu, e l' accarizza,
 Si l' abbrazza, e strinci in pettu,
 E li guai di sua vicchizza
 Sicci cencianu in diletto:

Abbuluni, ad uso. Sù di faricci ec. sono di fargli carezze. Lu scummetti, lo stuzzica. Nautra, un' altra. Scattagnetti, specie di naccare che si azaccano alle dita. Sauta, salta. Linna linna, snella snella.

Vucanzialu quannu dormi
 Tra li gambi adaciu adaciu,
 Quannu vigghia ci fa 'nnormi
 Cu la varva sua d' abraciu.

Di ciuriddi adorna, e cinci
 La faccinza sua virmigghia;
 Poi tra l'aria lu suspinci,
 E di latu lu gattigghia.

Lu Bambinu spiritusu
 Li manicebi stenni, e infila
 Tra lu sò pettu silvusu,
 E acchiappannu tira, e spila.

Di l'areddara cucciuta
 Poi chiù spintu orna la testa.
 La Barbi-pida-curnuta-
 Capri-razza ci fa festa.

Vucanzialu, lo dimena. Ci fa 'nnormi, gli fa vezzi. Abbraciu; panno di lana ruvido con peli lunghi. Lu gattigghia, lo solletica. Li manicchi, le manine. Infila, le immerge o ficca. Di l'areddara cucciuta, dell' edera carica di corimbi. Chiù spintu, più cresciuto.

Tra st' allegra cumpagnia
 Crisci , avanza , spica , ingrassa ;
 Versu l' India poi s' invia ,
 E rallegra unn' è chi passa .

Doma tuttu l' Orienti ,
 E cu trenu assai bizzarru
 Fà di tigri ubbidienti
 Strascinari lu sò carru .

Gloriusu a la turnata
 Supra un scogghiu rampicanti
 Di Arianna abbandunata
 Muta in giubilu li chianti .

Summu Eroi , ma non divinu
 Ti mustrasti a tanti provi ;
 Ma lu donu di lu vinu
 Ti scupriu figghiu di Giovi .

A la turnata , *al ritorno* . Chianti , *piani* ,
 Scogghiu , *scoglio* . Scupriu , *scopri* . Figghiu ,
figlio .

Quannu in celu richiamari
 Già tò Patri ti vulia
 Ti dignasti a nui lassari
 Sta memoria di tia .

Sù , dicisti a la chiurmagghia
 Di li Satiri bicchigni:
 Cogghi cogghi , tagghia tagghia
 La racina di li vigni .

Tutti allegri a stu cumannu
 Eccu curriri , e sotari ,
 Pri ddi chiani vennu , e vannu
 Cu carteddi , e cu panari .

Vennu , e vannu li ridiculi
 Satiretti allegri , e sbarj ,
 Comu listi di furmiculi
 Di frumentu attornu all' arj .

Bicchigni , partecipanti di becco . Cogghi , e tagghia , cogli e taglia . Di tia , di te . Sotari , saltare . Pri ddi chiani cc. per quelle pianure vengono e vanno . Carteddi , specie di ceste . Panari , panieri . Sbarj , inconstanti . Arj , aje .

Cui panara chini attappi
 Port' appisi tra li corna,
 Cui ci appenni stocchi, e rappi,
 E trippannu all' autri scorna.

Pri chiù accrisciri la festa
 Di li toi giulivi riti
 Puru adorni la tua testa
 Di la chiù superba viti.

Poi cu menti singolari
 Fai tra un largu, e vastu tinu
 La racina sdivacari
 Sin' a tantu, ch'è già chinu:

Via dicisti, a tutti quanti
 Via pistati: dalla-dalla;
 E ogni Satiru a l'istanti
 Sauta dintra e pista, e balla.

Chini a tappu, pieni a zeppo. Stocchi, saramenti. Rappi, grappoli. Trippannu, saltando. All' autri scorna, agli altri dà col corno o cozza. Puru, pure. Sdivacari, rovesciare. Chinu, pieno. Dalla-dalla, maniera di dire, che vale quì, insistete al lavoro. Sauta dintra, salta dentro. Pista, pesta.

Già lu mustu acchiana 'nzusu ,
 Già incomincia a' riscaldari ,
 E lu spiritu diffusu .
 Fa li testi sbariari .

Doppu chi da supra , e sutta
 Vidi , e tocchi cu li manu ,
 Ch'è pistata tutta tutta ,
 Nè ni resta un cocciu sanu ;

Basta ccà , cumanni allura
 Basta ccà , si copri , e scopra , *
 Da se stissa la Natura
 Ben saprà compiri l' opra .

Eccu in fatti già si avanza
 Lu rivugghiu , e sauta , e fuma ,
 Và criscennu la fraganza ,
 Va assummannu già la scuma :

Acchiana 'nzusu , *salisce sopra* . Un cocciu ,
un granello . Basta ccà , *basta fin qui* . Rivug-
 ghiu , *ribollimento* . Sauta , *salta* . Và assumman-
 nu , *va venendo sù* .

* Allude alle due maniere di praticar la fer-
 mentazione nella manipolazione de' vini :
 - l' una coperta e l' altra scoperta.

Tuttu è motu , ed azioni ,
 Quasi ogn' atomu avi vita ,
 Si scatina , si scuniponi ,
 Poi di novu si marita .

Quann' ai vistu già distruttu
 Li potenzi gurrigianti
 Di lu mustu , e chi ridutti
 Sù in un fluidu pizzicanti ,

Grìdi : orsù lesti li manu ,
 Chì si passi in vutti , e stipi :
 Ma s' un è placatu , e sanu
 Lu stuppaghju nun s' intipi .

Eccu già la chiurma vola
 Di li Satiri , e Silvani ,
 Or' appuzzanu bugghiola ,
 Ora fannu da giurani ,

*Lu stuppaghju , il turacciolo . Nun s' intipi ,
 non si sforzi . Chiurma , ciurma . Appuzzanu
 bugghiola , attingono il mosto con catini di le-
 gno . Fannu da giurani , si attuffano e bevono
 come le ranocchie .*

Cui cu sicchiu , cui cu ciotula
 Vèni appuzza , vivi , e sbaria ,
 Sinn' arrucia , e sinni scotula ,
 Gira , e sbota a gammi-all'aria .

Autri 'mmestinu , e burdianu ,
 Autri aminuttanu , e si affuddanu ,
 Tutti scialanu , e trippianu ,
 E a lu tiuu poi si abbuddanu .

Di ccà , e ddà cu ciaschi , e buminali
 Sempri tessinu , e sbulazzanu ,
 Fannu gran cazzicatunmuli ,
 Pri lu briu già quasi impazzanu .

Sicchiu , secchia . Appuzza , immerge . Sbaria ; gli si aggira la testa . Sinu' arrucia , si ammolla di musto . Sinni scotula , lo scote da' suoi peli con iscotersi il corpo tutto . 'Mmestinu , urtano . Burdianu , bordeggiano . Autri ammuttanu ec. altri urtano e si affollano . Tutti scialanu ec. tutti festeggiano e saltellano . Si abbuddanu , si attuffano . Buminali , fiaschi di argilla con collo stretto . Cazzicatunmuli , capi-pitomboli .

Viva Bromiu, viva intonanu
 Li Baccanti, e comu animuli
 Vannu in giru, e allegri sonanu
 Tammureddi cu cirimali.

E a Silenu atturniannusi
 Supra un sceecu lu cunducinu,
 Và li labbr' iddu liecannusi,
 Chi di mustu ancora lucinu:

La sua testa é juta in gloria,
 Puru l'occhi ancora ridinu;
 Già lu briu la murritoria
 Da lu sceecu lu dividinu;

Ma parannulu tra l'aria
 Novamenti lu rimettinu;
 Iddu ridi, e in parti sbaria,
 Chiddi l'asinu scummettinu.

*Animuli, arcolai. Tammureddi, "cembalè".
 Cirimali, lamìnette di rame e di ferro che fan-
 no le voci di sonagli. E' juta in gloria, è an-
 data in visibìlio. La murritoria, il ruzzo. Da
 lu sceecu, dall'asino. Sbaria, si adira. Scum-
 mettinu, aizzano.*

Di alligrizza tutti addumanu ,
 Spersi sù li curi serri ,
 Lu briu sulu regna , e sfumamu
 Di la vita li miserii .

Cui lasciannu aratru , e vommara
 Tra lu pratu in ervi , e ziddari ,
 Tra l'ardiculi si agghiommaru
 Cu 'na Ninfa , chi fa sguiddari .

Nun curannu fanghi , e zaccani ,
 L'autri currinu e talianu
 E ridennu a forti scaccari
 Poi li manu sbattulianu .

Gran Dionisiu (a tia si divinu
 Li gran giubili) altu gridanu
 Li Bassaridi , chi vivinu ,
 E chi a brinnisi si sfidanu ?

Addumanu , avvampano . Spersi sù , dispersi sono . Sfumamu , svaniscono . Vommaru , vomere . Ziddari , sterco di pecore e di capre . Tra l'ardiculi , tra le urtiche . Si agghiommaru , si rotola . Sguiddari , schiamazzi . Zaccani , qui vale , limi o terre limacciose . L'autri , gli altri . Currinu , corrono . Talianu , osservano . Scaccari , cacciare . Li manu sbattulianu , battono le mani .

Tu Lieu, tu scacci, e abomini
 L'aspri curi, e tu ti studii
 Di abbassari insinu all'omini
 Li piaceri, e li tripudii:

Dunca' apprendanu li vausi
 A far ecu a lu tò economiu,
 E a ripetiri sti applausi:
 Viva Baccu, viva Bromiu,

Fini.

Vausi, balze.

La Cicala.

Cicaledda tu ti assetti
Supra un rama la matina ,
Una pampina ti metti
A la testa pri curtina .
E dda passi la jurnata
A cantari sfacinnata .

Te felici ! Oh quantu à datu
A tia prodiga Natura !
Dintr'a l' umili tò statu
D' ogn' insidia sì sicura ,
Nè a la paci tua si opponi
Lu disù , l' ambizioni .

Benchì picciula sì tantu ,
Ti fai granni , e quasi immenza
Propagannu cu lu cantù
La tua fragili esistenza ,
E o si allarghi , o si rannicchi ,
Ti avi ogn' unu tra l' oricchi .

Cicaledda , diminutivo e vezzeggiativo di Cicala . Ti assetti , ti assidi . Pampina , quì vale fronda . Sì , sei .

Meli Vol. II.

A tia cedinu l'oceddi
 Di l'està li forti vampi,
 E li grati vinticeddi
 Pri Riggina di li campi
 Ti salutanu giulivi,
 Pirchè tu li campi avvivi.
 Quannu è Febbu a lu miriu,
 Lì toi noti sù a lu stancu
 Passaggeri di arrieru;
 Posa all'umbri lu sò ciancu,
 E a lu sonu di tua vuoi
 Si addurmiscì duci duci.
 Tra li Musi fusti ascritta,
 E notizia avuta in fonti.
 Indovina cui l'è ditta?
 Cui? Lu stissu Anacreonti,
 Chi frantanti a tia si ammira
 Pri soggetto di sua lira.

*Oceddi, uccelli. E' a lu miriu, è al merig-
 gio. Arrieru, ricreamento. Si ad urmiscì, si
 addormenta. Duci duci, dolcemente. Cui,
 chi. A tia si ammira, ti prende di mira.*

Dissi ancora , ch'ài di argentu
 L'ali , e testa di rubbinu ,
 Ch' ai ruggiada in ntrimentu
 Di gentili corpu , e finu
 Senza carni , e senza sangu
 Di li Dei quasi a lu rangù .

E chi spissu all' umbra grata
 Di li toi vuschitti chiusi
 Pri sintìri 'na cantata
 Sciinni Apollu cu li Musi .
 E chi all' arsu mitituri
 La stanchizza tu minuri .

Si lu Geniu di stu Saggiu ,
 Chi li grazj , e lu briu
 Appi in propriu ritaggiu ,
 Tanti preggi in tia scupriu ,
 Chi t' importa si ridicula
 Poi ti sparra la furmicula ?

Vuschitti , *boschetti* . Appi , *ebbe* . Ti sparra,
ti detrae . La furmicula , *la formica* .

Sì, lu sacciu, e mi fa bili
 Lu sintiri susurrari:
 Chi stu inzettu pricchiu, e vili,
 Chi s'ammazza a cumulari
 Ti rimprovera, e ti accusa
 E di sciocca, e di lagnusa,
 Cui nun sà: chi un cori avaru
 Sempre è chiusu a li piaciri?
 Canta, dici, ch'eu preparu
 Pri lu tempu da viniri,
 Na risposta tra l'internu
 Ti la cantu tra l'invernu.
 Quannu allura da lu celu
 Cadirannu muschi vranchi
 Pri la fami, e pri lu jelu
 Sclamirai moru li cianchi,
 Lu miu stomacu è a lanterna ...
 Và, dirrò, ccà 'un è taverna.

Sì lu sacciu, si lo sò. Pricchiu, avarissimo.
 Lagnusa, poltrona. Cui, chi. Muschi vranchi,
quì vale fiocchi di neve. Moru li cianchi, *ma-*
niera di dólersi, e vale oimè li fianchi mi fan
morire. E' a lanterna, è voto. Và ec. *và via*
dirò, questo mio alloggio non è taverna.

Giacchè tu ti sì spassata
 Tra l' estati cu cantari ,
 Spassat' ora l' invirnata
 Tra la fridda cu ballari .
 A dijunu tra st' valli
 Sì chiù leggìa , e megghiu balli .

A st' avara sconuscenti
 Ci poi diri : sì la vita
 Si misura da li stenti
 Tenitilla , e sia infinita ,
 Nè crid' iu si possa dari
 Cui ti l' àja a invidiari .
 Si però la vita è un donu ,
 Chi a godirlu datu sia ,
 Jeu gustannu lu sò bonu
 Di li Musi in cumpagnia ,
 Ho campatu , e ardisciu diri :
 Tutta mai purrò muriri . (*)

Fini.

A dijunu , a diggiuno . Si chiù leggìa , sei più
 leggiera . Megghiu , meglio . Tenitilla , te la
 serba pure . Nè crid' iu , nè io credo si possa
 dare . Cui ti l' àja , chi te l' abbia . Lu sò bo-
 nu , s' intende il buono della vita .

(*) *Non omnis moriar . Mor.*

In lodi di lu vinu.

Giratu lu girabili
 Lu briu d'insusu, e 'gnusu,
 Nun potti mai truvàrisi
 Nè tana, nè pirtusu.

Dintra 'na vigna capita
 Già stancu, e senza lena,
 E sti paroli flebili
 Pò proferiri appena:

Pri carità salvatimi
 Vui teneri magghioli;
 Tuttu lu munnu è lastimi,
 Nessunu chiù mi voli.

Lu girabili, quanto si può girare. Lu briu; il brio. D'insusu, e guusu, di sù e di giù. Nun potti, non potè. Nè pirtusu, ne pertugio. Capita, giunge e perviene. Lastimi, amarezze, afflizioni.

Li mali, e guai mi oppriminu
 In terra dominanti,
 L'omini mi discaccianu
 Da peni oppressi, e chianti.

Nuddu mi voli accogghiri:
 Vui, si pietà sintiti ...
 Dici, e già vidi sciogghiri
 Li fibri di la viti!

Ec' offerinu tantu spaziu
 Quant' iddu s' introduci
 Dicennu: vi ringraziu,
 E avvivau chiù la vuci.

Pri stu benignu ospiziu
 Viti, chi tu mi dai
 Stupenna benefiziu
 Da Baccu n' aviraj.

Nuddu, *nessuno*. Sciogghiri, *disciogliersi*.
 Pri stu, *per questo*.

Virrà pri compensariti
 Baccu, ch' è patri miu,
 In nettari a canciariti
 Stu sucu unni sugn' iu.

Chistu sarà delizia,
 Ristoru a li murtali,
 Rimédiu a la mestizia,
 Balsamu di li mali.

Purtirà l'equilibriu
 Ad onta di lu Fatu,
 Tra ricca genti, e povera,
 Tra un grandi, ed un privatu.

In iddu a rinovarisi
 Miu regnu turnerà,
 E insemi a consularisi
 L'afflitta umanità.

Dissi, e li leti augurii
 Confirmau Giovi. Un lampu
 Di gioja, e di tripudiu
 Scursi di campu in campu.

Fini.

Stu sucu, questo sugo. Unni sugn' io, dove
 son' io.

O D. I. XXXI.

—
Dafni.

A la forma, ed a lu ciauru
 Sugnu un arvulu di addauru;
 Puru oimè! sti viridi cimi
 A li primi tempi foru
 Fila d'oru a fiocchi, o a munti
 Supra vaga, e bella frunti!
 Sti mei rami stisi, aperti
 Da li pampini cuverti
 Foru vrazza bianchi, e fini
 Cu li vini trasparenti;
 Lu parenti, e patri meu
 Fu lu fluidu Peneu.

Ciauru, odore, Sugnu, sono. Un arvulu,
 un albero. Di addauru, di alloro. Foru, fu-
 rono. Sti, questi.

Stu miu pedi nun 'è statu'
 Sèmpr' in terra sprofundatu ;
 Ne sì ruvidu , e pisanti ;
 Fu galanti , e sì speditu
 Chi l'arditu Apollu stessu
 Cursi indarnu ad iddu appressu .

Pri salvarimi illibata
 Fici , oimè ! dda gran scappata ;
 Pri cui chiamami crudili
 Lu gentili , e biundu Iddiu !
 Ahi ! Pers' iu l'anticu 'aspettu ,
 Eaju figghi a miu dispettu !

Sti razzini , sti jittuni ,
 Ch' in mia forman' un macchiuni ,
 Sù li mei figghi , e niputi ,
 Cunciputi da mia sunnu
 A lu munnu tanti eredi
 Tra li vini di lu pedi .

*Aju , ho . Sti razzini , 'questi polloni . Sti
 jittuni , questi rampolli . Sù li mei figghi , sono
 li miei figli . Da mia , da me . Sunnu , sono .*

Da li mei paterni spiaggi
 Ccà tra prosperi presaggi
 Da li Musi fui portata
 Pri 'na data profizia :
 Chi duvia sta macchia tutta
 - Divintari stanza, e grutta : (*)
 Acciò quannu Febbu scagghia
 Rai cucenti , e l'occhi abbagghia
 Jeu d'Apollu ad un diletto
 Umbra , e tettu ci pristassi ,
 E ccà stassi assemi chiusa
 La sua paci, e la sua Musa .

Fini .

Divintari , *divenire* . Scagghia , *vibra* . E ccà
 stassi , e qui stassi .

(*) Allude ad una stanza concertata dall' Au-
 tore in un macchione di esso alloro , dove
 scrisse la suddetta ode .

La filosofia d' Anacreonti.

Diretta, a lu Cav. D. Antoniu Forcelli.

Saggiu è cui disiu nun stenni
 Fora mai di la sua sfera,
 E nun cura li vicenni,
 Di la sorti lusinghera:

Chi sà cogghiri l'istanti
 Menu amari di la vita,
 L'autri annega tutti quanti
 Tra 'na malaga squisita.

O tra un siculo licuri,
 Chi la facci avviva in russo,
 E li cancarì, e li curi
 Manna tutti in emmaussu.

Cui, chi. Chi sà cogghiri, che sà carpire.
 E li cancarì, e li guai. Manna tutti in em-
 maussu, espressione usata per denotare la di-
 stanza del luogo.

S' inflessibil' è lu fatu
 Cosa mai sperarni d' iddu?
 Sia benignu, sia s' dignatu
 Manciu caudu, e vivu friddu.

E di chistu oppognu all' ontì
 Scutu ben timpratu, e finu,
 Armi assai sicuri, e pronti
 Di buttighi, gotti, e vinu.

'E lu sulì di jinnaru
 Lu piaciri a li murtali,
 Nun si affaccia chi di raru
 Tra li negghi di li mali.

Giacchè uman' arti, o scienza
 A domari nun arriva
 Di li stiddi l' inclemenza,
 L' alma almenu sia giuliva.

Manciu caudu cc. espressione usata, che importa il dire » sono indifferente » Oppognu, oppongo. Buttighi, botteghe. Gotti, bicchieri. Jinnaru, Gennaro. Tra li negghi, fra le nebbie.

Sin chi megghiu panacià

Nun si trovi a fari smaccu
Di ogni scura, e trista idia,
Jeu mi tegnu forti a Baccu.

E a vtri sfidu o saggi, e dotti,
Si scummetta. oggi fra nui,
Vui cù libbra, ed eu cu gotti,
Cu'è chiù allegra è saggiu chiui. (*)

Fini.

Megghiu, migliore. A fari smaccu, a far
conquasso. Jeu mi tegnu, io mi tengo. Si scum-
metta, si facci scommessa. Cu gotti, con lic-
chieri.

(*) *Ad ilaritatem bibere, non ad ebrietatem.*

O D I XXXIII.

Sù lu stissu sistema.

» Jeu su , vecchiu , e chiù di mia (*)

» Fù già vecchiu Anacreonti

» Di l'allegra poesia

» Di li grazj lu fonti ;

» Dunca via dammi la lira ,

» Si sù vecchiu , e chi ci fa !

» Quann' Apollu , e Baccu spira ,

» Tutti semu d'un' età .

'E lu briu , chi fà l'essenza

Di l'amata Gioventù ,

A cui Baccu ni dispenza

S'era vecchiu , nun c'è chiù .

Mia , me . E chi ci fà , e che importa ? Ni ,
ne . Nun c'è chiù , non vi è più .

(*) Le due prime strofettine furono composte dal fù R. P. Abate Barone soggetto molto istituito nella lingua greca , e nelle belle lettere . Non parlo della di lui fecondia nel dire , perchè un tal merito è riferibile più alla natura , che al possidente . L' Autore ve ne ha aggiunte altre tre per stenderne la descritta ode anacreontica .

Vecchiu, allegru è quasi un ciuri
Tra lu riggidu frivaru,
Chi si ammira cu stupuri,
Chi si apprezza pirchè è raru.

Jeu sù chistu o donni cari,
Baccu tuttu mi rinova,
Sù sfidatimi a scialari
Ch' eu mi dugu ad ogni prova.

Fini:

Ciuri, *fiore*. Frivaru, *Febbrajo*. Ch' eu mi
dugu, *che io mi presto*.

O D I XXXIV.

L' Illusioni.

Tra un' altura inaccessibili
 Di la terra a li viventi
 Lu gran ben incomprensibili
 Situau l' Ounipotenti .

In distanza a latu oppostu
 La buggiarda Illusioni
 Tra li testi umani, à un postu ,
 E un gran specchiu ad iddu opponi .

Chi l' immagini ni accogghi
 In abbozzu , e la rifletti
 Poi ccà 'nterra sù-li spogghi
 Di caduchi , e vani oggetti .

Situau , situò , collocò . Ad iddu , ad esso .
 Accogghi , accoglie . Ccà 'nterra , qua in terra ,
 Spogghi , spoglie .

E st'imagini vacanti,
 Senza nenti di riàli
 Ten' in motu tutti quanti
 L'individui mortali.

Ora splendori si vidi
 Supra imperj, e dignitati.
 Da luntanu ogn'unu cridi,
 Chi dda sia felicitati.

E si affretta, si turmenta,
 Si affatica ansanti, e lassu,
 Nè c'è cosa, chi nun tenta
 Pri avanzari almenu un passu.

Tra la fudda, ch'è infinita,
 Lu gran numeru scuntentu
 Passa in pàsimi la vita,
 Cu nutririsi di ventu.

Vacanti, vuota o vacua. Da luntanu, da lungi. Chi dda, che colà. Tra la fudda, tra la folla. Passa in pasimi, passa in angoscie, qui propriamente importa: passa in palpiti tra la speranza ed il timore. Nutririsi, nutrirsi.

Chiddi pòchi, a cui succedi
 Di arrivari a ddi confini,
 Misu appena dintra un pedi,
 Nun ci trovanu, chi spini.

Chi l'immagini brillanti,
 Chi ddà vistu avianu allura,
 E' passata multu avanti,
 E l'invita a nova altura.

Dunca senza ripusari,
 Sù da capu, e li soi stenti
 S' incumincianu a cuntari
 Da li novi avanzamenti.

Li doviri ad iddi additti
 Sù li spini non previsti,
 Pri cui spissu sù custritti
 Fari un ponti supra chisti:

Ddi, quelli. Misu, messo o posto. Dda, colà. Chi, qui vale perchè o perciocchè. Dunca, dunque. Li doviri ec. li doveri ad essi (avanzamenti) addetti o inerenti. Sù li spini ec. sono le spine non prevedute. Fari un ponti, fare un ponte, s'intende allegoricamente passarvi sopra o sia fare una precisione de' doveri annessi alla carica.

E' di stùrdirsi la menti
 'Mbriacandula di lussu,
 E di fumi prepotenti,
 Chi a lu cori 'un ánnu influssu.

Tra lu fastu, unni scialacqua,
 Lu sò cori è siccu e spinna
 Com' un anatra 'ntra l'acqua,
 Chi nun vagnasi na pinna.

Accussí l' Illusioni
 Si trastulla, e si fa joeu
 Di l' umana ambizioni,
 Chi mai trova situ, o locu.

Di lu specchiu lu riflessu
 Mai pri l' omu cadi in fallu;
 Auchì fa l' effettu stessu
 Supra un pallidu mitallu.

*Chia lu cori 'un' ánnu influssu, che non influisco-
 no al cuore. Spinna, viene meno pel desio. Spèc-
 chiu, specchio.*

Nè suduri , nè delitti ,
 Mai sparagna un cori avaru ,
 Chi l' imagini ni vitti
 Supra l'oru , e lu dinaru ,

Li periculi chiù astrusi
 Pr' iddu- affrunta a middi a middi ,
 Passa mari timpistusi ,
 Sfida a Scilla , ed a Cariddi .

Quali eccessu 'un persuadi
 Scelerata fami d'oru ?
 A toi pedi virtù cadi !
 Neghi allorgani un ristoru ?

Tu li visceri a la terra
 Sinu a funnu ài laceratu !
 Unn' accosti sbampa guerra ,
 Ogni drittu è vijulatu !

Mai sparagna , mai risparmiu . Ni vitti , ne vide . Pr' iddu , per esso . A middi a middi , a mille a mille . 'Un persuadi , non persuadi o suggerisci .

Turri a Danai , e forti muru
 Sú assai debuli pri tia !
 La valanza abbucchi puru
 Tra li manu anchi di Astria !

Lu gran Messicu distruttu ,
 Morti populi , ed Incassi ,
 Menzu munnu ancora in luttu
 Trema , e fremitu a li toi passi .

Da tua rabbia st'innocenti
 A salvarli 'un è bastatu
 Lu divisu continenti
 Da un' oceanu esterminalu ?

Cui produci tanti mali
 Cridiremu , chi in se stissu
 Sia ddu beni originali
 A cui l' omu fussi ammissu ?

Pri tia , per te . La valanza , la bilancia .
 Abbucchi , fà trabboccare . Puru , pure . 'Un ,
 non . Cui , chi . Ddu , quello .

Nò, lu specchiu è chi ni 'nganna ;
 Giacchì all' omu la ricchezza
 'E un castigu, na cunnanna ,
 Chi a bramari chiù l'attizza ;

E pirciò a multiplicari
 E l' usuri , e l' angarì ,
 Li delitti , e li ripari ,
 Li timuri , e firnicii .

E st'angustj alli alma impressi ,
 Chi ci rudinu anchi l' ossa
 Sempri criscinu , e indefessi
 L' accumpagnauu a la fossa .

Saggu è cui l' oru apprizzari
 Cupidiggia non incita ,
 Ma l' idia di sudisfari
 Li bisogni di la vita .

*Specchiu , specchio . Ni 'nganna , ci inganna .
 Attizza , aizza o incita . Firnicii , sollecitudini .
 Fossa , tomba .*

E a li Curti, ed a li Sali
 Và accussí di mala vogghia,
 Comu infirmu a lu spitali
 Strascinatu da na dogghia .

L'oru è pr' iddu uguali all'unna,
 Chi scurrenna pri li prati,
 Li 'nvirdica, e li fecunna
 Di li frutti chiù priggianti :

Si però in un locu resta
 Tutta in massa ristagnata,
 L'erba esterna è secca, e mesta,
 Dintra è fradicia, ammargiata .

Cussí avaru sceleratu.
 Manua l'oru tra un subbissu
 A lu Publicu, a lu Statu
 Gravi, e inutili a se stissu .

Di mala-vogghia, di mal talento. Dogghia, doglia, dolore. L'oru è pr' iddu, l'oro è per esso. L'invirdica, li fa verdeggiare. Sicca, secca. Fradicia, fracida. Ammargiata, allagata o soffondata nell'acqua. Subbissu, baratro.

Avirà da genti accorta

Qualchi omaggiu, o qualch' inchinu,
Pirchè è l' asinu, chi porta
Li reliquj tra lu schinu...

Vagu giuvini a tia ridinu

La fortuna, e l' elementi

Te felici tutti cridinu...

Tu sospiri, e ti lamenti!

Chi ti manca, salvi a tia?

Ma tu guardi fissu, e attentu

Lu riflessu, chi spicchia

Dintra dd' occhi... ah già ti sentu:

Dintra dd' occhi, tra ddu aspettu,

'Tra ddi labbri, tra ddu risu

Tu ci vidi chiaru, e nettu

Lu gran Beni, un Paradisu,

Schinu, schiena. Salvi a tia, Iddio ti salvi
o dia grazia. Chi specchia, che luccica. Din-
tra dd' occhi, dentro a quegli occhi. Ddi, quel-
li. Ddu, quello. Vidi, vedi.

Chi sia chistu lu riflessu ,
 E non già l'originali ,
 Lu pacificu possuessu
 Ni è la prova essenziali .

Spissu ad autri lusingheru
 Lu riflessu sicci appresta
 Da una spata , e da un cimeru ,
 Chi fa pàrtirci la testa ;

E l'istintu di Natura ,
 Chi fa l'Omu sociali ,
 A ddu lampu sí sfigura ,
 Cedi all' impètu brutali .

Già fatt' emulu di Achilli ,
 Sogna , e imagina conquisti ,
 E Deidámj a milli , e milli
 Spasimanti pr' iddu , e tristi .

*Chi fa pàrtirci la testa , che gli fa voltar la
 testa . A ddu , a quel . Iddu , esso .*

Un gran Campu di battaglia
 Si presenta in fantasia.
 Idd'è avanti, chi si scagghia
 E la fama lu talia.

Si: La fama in chiù di un tomu
 (Ti l'accordu tua parenti)
 Farà imprimirti lu 'nomu;
 Ma tu mortu chi ni senti?

Si tu campi, a la fortuna
 N'è lu meritu dovutu;
 Cedi ad idda la curuna
 Ed appenditi pri butu.

Quannu poi la Patria grida,
 Chi vol'essiri difisa,
 Curri, o novu Leonida,
 Và: Tua gloria è già decisa.

Battaglia, battaglia. Si scagghia, si scagghia. Lu talia, lo guarda.

Autru poi lu lampu osserva
 Sù la gloria di li littiri,
 Si sacrifica a Minerva;
 Ma 'un c'è menzu a farlu zittiri.

Vigghia, suda, e sa affatia,
 Sù li libri, e li scienze,
 Ma Virtù, Filosofia
 Nun sù dati a Vui st'incenzi.

Nun è omaggiu, chi dispenza
 A la bella verità,
 Ma un trofeu, chi alzari pensa
 A la propria vanità.

Sulu cerca ammobbigghiari
 Lu sò spiritu di ciuri
 E cu chisti cummigghiari
 Di lu cori li lurduri.

Autru, *altro*. Zittiri, *tacere*. Vigghia, *veglia*. Si affatia, *si affatica*. St'incenzi, *questi omaggi*. Ammobbigghiari, *ammobigliare*. Lu sò, *il suo*. Ciuri, *fiore*. Cummigghiari, *coprire*.

La raggiuni, lu bon senza
 Nun consulta, e sulu in menti
 C'hà d'Oturi un boscù immenzu
 Per inponiri a li genti .

Ogni massima, chi dici
 Nasci in menti, e in bocca mori,
 Chiù ni ostenta è chiù infelici,
 Nudda sciuni a lu sò cori .

E quant'iddu chiù la vana
 Gloria cerca, e bram'e ambisci,
 Chista tantu si alluntana,
 Chiù ci sfui, e ci spirisci.

'Nzumma ogn'unu lu riflessu
 Vidi in cosa, chi ci manca,
 E ci curri sempri appressu,
 E si affanna, suda, e stanca.

Nudda, nessuna . Sciuni, scende . Iddu, es-
 so . Ci sfui, gli sfugge . Nzumma, insomma .

Oh infelici razza umana

Nata a jiri assicutannu

Di li beni, l'ombra vana,

Chi ccà 'nterra nun ci stannu !

Si non fariti felici,

La virtù putria, a lu menu

Di l'interni toi nimici

Dar' in manu a tia lu frenu ;

Tu fratantu l'abbanduni

Pri acchiappari l'umbri vani !

Sì (ed oh ceca 'un tinni adduni)

Di la fayula lu cani !

Fini.

A jiri, *ad andare*. Assicutannu, *inseguendo*.
Chi ccà 'nterra, *che quì in terra*. Putria, *potrebbe*. A lu menu, *almeno*. A tia, *a te*. 'Un
tinni adduni, *non te ne accorgi*.

O B I XXXV.

Innu a Diu.

A Tia l'inni gran Diu , a Tia li canti ,
Chi tra la sfera di tua gloria immersu
Fatt' ài pri lu tò Verbu l' Universu
Surgiri a un sulu istanti .

A Tia , di li cui pedi Eternitati
Forma scabellu , mentri tra profunni
Vortici di l' abbissi urta , e confunni
Tempi , epochi , ed etati .

E lu spaziu stupennu tuttu internu ,
L'immenzi globbi in iddu equilibrati
Divisi da distanzi smisurati
Nun sù pri Tia , chi un zeru .

A tia , a te. Surgiri , sorgere .

Cosa dunqui sarà davanti a Tia
 L'omu, di cui tra li sovrani, e granni
 Oggetti portentusi, ed ammirandi
 Sparisci anchi l'idia?

Puru a st' atomu menti, ed intellettu
 'Ai datu da suspincirsi a li celi,
 Duvì a cifri di stiddi ci riveli
 Lù sò grandi architettu.

O generusu Iddiu, chi ti dignasti
 Manifestarti a noi tra li stupendi
 Operi toi! M'oimè! cui li comprendi
 Tu sulu poi, tu basti..

Reggi, e governi di tua gloria in cima
 Lù tuttu, chi per idda fu criatu,
 Chi turnirà (da Tia s'è abbandunatu)
 A nenti comu prima.

Granni, immensu, stupendu sì nell' operi
 Eccelsi di tua manu, ed ugualmente
 Grandi tra lu chiù picculu viventi,
 Chi l'occhiu miu nun scopri.

Fusti, e sarrai chiddu, chi s'ì; nè fini,
Nè principiù c'è in tia: suvraneamente
Bonu, Giustu, Beatu, Onnipotenti,
Granni senza confini,

Esaltinu li celi, Angili, e Santi
Li gran prodigj di l'onnipotenza;
Ma la bontà infinita di tua essenza
Fa, chi in godirti eu canti.

Fini.

O D I XXXVI.

A la Musa.

DEDICATA A LI RR. ALTIZZI

DI

MARIA CRISTINA BORBUNI,

E

CARLU DI SAVOJA.

Tra lu mju cori agghiorna,
Surgi l'età briusa
Quannu ti affacci o Musa
Di li toi grazj adorna.

Oh quantu mi consola
L'aspettu tò immortali!
L'alma di li soi mali
Si scorda; e ad iddu vola.

All'aura tua suavi
Ogni timpesta taci,
Portu in tia trova, e paci
La mia sbattuta navi.

Tu da sta vaddi impura
 Mi liberi , e trasporti
 Dintra l' Esperid' orti
 In brazz' a la natura .

Tu da la turba granni
 Dannata a cecu obliu
 Scarti lu nomu miu ,
 E lu dilati , e spanni .

E fors' inutilmenti
 ('Tu scutu miu) l' alatu
 Vècchiu cu mia sdignatu
 Arrutirà lu denti .

Tu dui Riali Altizzi ,
 Dui Spusi eccelsi , e digni
 Rendi cu mia benigni
 'Mmenzu a li soi grandizzi .

- Scarti , prescegli . 'Mmenzu , in mezzo .

Ma postuchì lu fatu ,
 Sempri cu mia inumanu ,
 Si l'r purtau luntanu ,
 Tu poi , tu vacci allatu ,

Unni Anfitriti abbrazza
 Di Corsica a li sguardi
 L'Isula di li Sardi
 Trova l'eccelsa Razza .

Ti accosta , e rispittusa
 Da parti mia t'inchina ,
 Bacia a Maria Cristina
 La manu generusa .

Sú parti , e v'à giuliva ,
 Giacchì ristata é in mia
 Tra cori , e fantasia
 L'imagini sua viva .

Chi ad ogni dittu , o gestu
 Nova una grazia esprimì ,
 E li virtù sublimi
 Compiscinu lu restu .

Unni , què significa dove .

Chist'è chi ogni momentu
In mìa si riproduci
Tali , chi già la vuci
Quasi ni ascutu , e sentu .

Chi un beneficia quannu
Cadi in un cori gratu
Non da distanza , o fatu
Soffri , o da tempu dannu .

Fini.

Ni ascutu , ne ascolto .
Meli Vol. II.

*A S. E. Sig. - D. Franciscu d' Aquina
Principi di Caramanica, e Vicerè di
Sicilia.*

In occasioni di la sua provida, e generusa
cura in preservari lu ditto Regnu nella
terribili caristia accaduta l' annu 1793,

O bella età di Pindaru
Quand'odi, e canti alati
Aprianu lu gran tempju
Di l' Immortalitati!

E li Poeti judioi
Di l' oprì di l' Eroi
La gloria cumpartevanu
Tra l' aurei versi soi.

Ah! dunca o santa Apollini
Toi doni limitati
Foru a virtù, ed a meriti
Di chidda sula etati?

Dunca, dunque. Foru, furono. Chidda,
quella.

Nessunu in oggi reputi
 Dignu di toi favuri?
 O forsi chiù tra l'omini
 Nun c'è virtù, e valuri!

Sò chi la forza, e l'animu
 Su meriti, e virtuti
 Quannu pr'oggettu guardanu
 La publica saluti.

Pirchè la Patria purganu
 D'omini, e mostri rei
 Perseu, e Alcidi, e Teseu
 Sù Eroi, sù semi-dei.

Vennu a li jochi Olimpici
 Li forti curunati
 Pirchè a la Patria dunanu
 Intrepidi suldati.

Dignu, *degno*. Sù, *sono*. Vennu, *vengono*.
 Jochi, *giuochi*.

Ora chi la Sicilia,
 Già quasi desolata
 Pri caristia terribili
 Da un sulu è preservata ,

Quali sarà la gloria
 A la grand'opra uguali?
 Si dà maggiuri meritu:
 Pri rendirsi immortali?

Qual è tra li chiù celebri
 Eroi , chi uguagghi a chistu,
 Chi fa di cori, e d'omini
 Non già di regni acquistu!

Jeu mi protestu o seculi,
 Chi viniriti appressu?
 Chi non incensu un' idolu,
 Dicu lu veru istessu.

Uguagghi , uguagli. Jeu , io.

Tu, chi cu raggi lucidi
 Tutta discopri e sai,
 Sai si a venali encomj
 L'estru avvili mai.

Mai. l'inesperti jidita
 All'auria lira stisi,
 Ma flauti tenui, ed umili
 Sunai tra macchii, e ddisi.

Mi sentu ora tutt' autru,
 E lu miu cori in senu
 Chinu di un Diu, chi l'aggita
 Nun pò chiù stari a frenu ...

Da la diserta Libbia,
 Spirannu, orruri, e straggi
 Un Idra smunta, ed arida
 Vinni a li nostri spiaggi:

*Jidita, ditte o dita. Stisi, stesi. Macchi,
 fratta, cespugli. Ddisi, ampelodesmi. Tutt' au-
 tru, tutt' altro. Vinni, venne.*

Stu mostro formidabili
 Di un subitu, chi apparsi
 Cu l'alitu mortiferu
 Consumau tuttu, ed arsi.

Li campi li chiù fertili,
 Li valli chiù cuverti,
 Li costi chiù fruttiferi
 Fà sterili, e deserti.

Stendi pri tutta l'Isula
 Li centu testi, e centu
 S'avanza, e la precedinu
 L'orruri, e lu spàventu.

Sulu la guarda intrepidu
 Cor'avidu, induritu,
 Cui lagrimi di poveri
 Sù nettari graditu. (*)

Sù, sono.

(*) Si describe l'usurajo.

Crudil' inesorabili ,
 Figghiu di alpestri rupi ,
 Chi ereditau cu nasciri
 L'instintu di li lupi .

E chi per indorarisi
 La vili sua ginia
 Arma contra li debuli
 Lu vrazzu anchi di Astria .

Lu mostru intantu rapidu
 Camina a passi granni ,
 Purtannu , (oh infaustu seguitu !)
 Fami , miserj , affannu .

L'erbi chiù vili , e inutili ,
 Li radichi nocivi
 Cu l'animali spartinu
 L'omini appena vivi .

Figghiu , *figlio* . Lu vrazzu , *il braccio* . Spar-
 tinu , *dividono* .

'Mmenzu li strati pubblici
 Lu passeggeri abbucca
 Cu facci smunta , e pallida
 Cu pocu d'erba in bucca .

Li gammi vacillarisi
 Senti l'agricolturi ,
 Mancannu a li soi masculi
 Lu nutritivu umuri .

Si vidi a terra cadiri
 La matri illanguidita ,
 L'addevu , oimè , trov' aridi
 Li fonti di la vita .

Non beni ancora saziu
 Di l'apportati orruri
 Lu mostru avanza , e medita
 Ruini assai maggiuri .

*Abbucca , vacilla o cade . L'addevu , l'al-
 lievo .*

Eccu, chi li testi orridi
 Da l' auti turri affaccia,
 E li città chiù floridi
 Disordina, e minaccia!

Scurri un trimuri gelidu
 Di tutti dintra l' ossa,
 E lu chiù forti, e intrepidu
 Senti ogni fibra scossa.

A lu spaventu publicu,
 A li comuni allarmi
 Suggetti rispettabili
 Misiru manu all' armi.

Friscau, sfidannu l' aria,
 Lu primu acutu dardu; (*)
 Però, pri quantu dicinu,
 Arrivau lentu, e tardu.

Auti turri, *alte torri*. Friscau, *fischio*. Di-
 cinu, *dicono*.

(*) Si allude al bando emanato di doyere ogni
 possessore di grani rivelarne la quantità.
 Ciò produsse, che a causa de' varj passaggi
 nelle replicate vendite, si multiplicò la
 somma ne' riveli, e ne risultò una quanti-
 tà illusoria.

L'idra mustrau 'ntanarisi,
 Ma pri cuvari occulti.
 Assalti chiù terribili,
 Novi miserj, e insulti.

Già l'autru dardu scagghianu (*)
 Oimè pri nui fatali!
 Lu feru mostu s'irrita,
 E agghiunci mali a mali.

Lu fatu di Sicilia,
 Era di già a l'estremu,
 Oh statu deplorabili!
 Ah ch' in pinsarci eu tremu!

Quannu l'eccelsu Principi,
 Chi a nomu di *Firmandu*
 Stava fra nui li retini
 Politici guidannu:

Autru, *altro*, Scagghianu, *scagliano*.

(*) Si allude alla ineta imposta al grano, motivo per cui quel poco, che ve n'era fu occultato.

Franciscu Caramanica,
 Chi nun valuta l'oru,
 Chi comu sulu a miseri,
 Ed a virtù ristoru;

Illustri, granni, e splendida;
 Ch' in menzu a soi fortune,
 'E un suli chi diffundisi
 A tutti li persuni;

Visti delusi, e invalidi
 Li vrazza in cui confida,
 St' imprisa memorabili
 Supra se sulu affida:

E prima a la Dia Cereri
 In spiaggi a nui luntanu
 Offersi in sacrificiu
 Tesori a larga manu. (*)

Li vrazza, le braccia. Supra, sopra.

(*) Allude alle considerabili incette di grani da esso fatte con gli stranieri, obbligando i proprij suoi fondi.

A Cereri, ch' in colura,
 E contra nui sdignata,
 Da nui pri castigarinui
 Erasi alluntanata.

Ma la pietusu Principi
 Nell' attu chi la Dia
 Placava cu' olocausti,
 Lu mostru cummattia.

Paria Giovi medesimu,
 Chi d' autu in bassi chiani
 Scagghia saitti, e fulmigi
 In testa a li Titani.

Indarnu pri ammucciarisi
 A lu sò giustu sdegnu
 L' Idra circau 'ntanarisi
 Tra un' angulu di Regnu.

Chi d' autu, *che d' alto*. Ammucciarisi, *nas-*
cardersi. 'Ntanarisi, *intanarsi*.

La scopri, la persecuta,
 Cu penetranti sguardi,
 L' abbatti, la suppedita
 Cu l' asta, e cu li dardi,

Li miseri, li debuli
 A sti stupendi provi
 Currinu a ripararisi
 Sutta di lu sò Giovi (*)

Alzan d'oru purissimu
 Gran scudu risplendenti,
 Simili a quintadecima,
 Chi spunta d' orienti.

Scudu ben vastu, e solidu,
 Chi all' umbra sua ripara
 Da mali, e da infortunj
 Li Populi a migghiara.

La suppedita, *la mette sotto*.

(*) Allude all' ingentissima quantità di misere-
 bili, che dall' interno del Regno vennero
 alla Capitale per essere diffamati, e che egli
 a sue spese curò di alimentare.

La publica fiducia

Eccu diggià si avviva ,

E sù li facci pallidi

Già mustraşi giuliva .

La sua virtuti applaudi ,

La sua pietati approva

Lu ceta , e in letu auguriu

Ci dà la bona nova .

Eccu , di già si annunzia

La Dia cu nui placata (*)

Di biundi spichi mustracci

La testa curunata !

Pomona sicci associa ,

E veni a sti fistini

Chinu lu cornocopiu.

Di frutti senza fini .

(*) Allude alla fertilità dell' anno susseguente.

E Baccu , ed anchi Palladi
 Dunanu di luntanu ,
 Lu signu di raggiuncirli
 Anch' idd' a-manu-a-manu .

Vincisti eccelsu Principi .
 Tua generusa cura
 Salvata ha la Sicilia
 Da l' ultima sciagura .

Mentri sarrà a li Popoli
 La Società gradita ,
 La sussistenza publica ,
 E l' ordini , e la vita , .

Vivrà Principi egreggiu
 Tò nomu , e tua virtuti
 In pettu a li tardissimi ,
 Ed ultimi Niputi :

A manu-a-manu , *frettolosamente* .

Di l'immurtali Tempiu .
Sculputu tra li cimi
Sarai modellu esempiu
Di l'animi subblimi.

E tu di la Trinacria
Mia lira ecu viraci
Offri li voti unanimi
A lu gran tempiu , e taci.

Fini

O D I XXXVIII.

*A S. E. Sig. Cav. D. Luiggi Medici
Segretariu allura di Statu
di S. M. Rè di Sicilia.*

Cussì cu mia Pollinia si esprimi :
Centu alati cavaddi autu vulanti
Pascinu ad usu miu l'aerei cimi
Di Pindu, e si abbiviranu a l'ameni
Ripi di-l'ippocreni
Di armoniusi Cigni risunanti.
Picciuli tratti sunnu a li mei voli
L'Antipodi, li poli,
Li spazj esterminati,
Unni l'immenzi globbi erranti, e fissi
Natanu equilibrati,
O attornu a proprj ellissi.

Cu mia, con me. Autu, alto. Picciuli, pic-
coli. Sunnu, sono. Unni, dove. Natanu,
nuotano.

Figghia di Apollu luci in mia risplendi:
 Chi avviva, e anchi li Regni di la morti
 Popula di chimeri, e mostri orrendi.
 Di li Dei la Saturnia dinastia
 Regna in celu pri mia:
 Pri mia Nettunu impugna lu sò forti
 Tridenti, e duna liggi a li profunni
 Voraggini di l'unni.
 Grati, e riconoscenti
 A li mei doni Proteu, Glaucu, ed Inu
 Scheranu li soi armenti
 Quann' iu mi ci avvicinu.
 Anfiuni pri mia spitrau li forti
 Salvaggi cori, e vausi alpestri attrassi
 D'unni Tebbi surgiu di centu porti,
 E Orfeu per Euridici in mia fidatu
 Di la sua, lira armatu
 Drizzau vivu a l'infernù li soi passi
 A li suavi noti, present' iu,
 Cerberu si ammutiù;
 E da li cori atroci
 Cadiu l'ira a li furj, in un balenu
 Di Plutu lu feroci
 Aspettu fu serenu.

Figghia, figlia. Pri mia, per me. Vausi, balze. D'unni, d'onde. Surgiu, sorse. In mia fidatu, in me fidatosi. Drizzau, dirizzò.

Si allatu miu li campi chiù salvaggi

Vai passiannu, o voscura, o poggetti

O muntagni scoscisi, o vaddi, o spiaggi

Tutt'av' anima, e vita: in fonti, e in undi

Najadi bianchi, e biundi,

Satiri vidirai tra li ruvetti:

Silvestri Driadi, e Oreadi muntanari

Trunchi, e vausi animari

A un sulu miu cumannu:

E li Silvani di curnuta testa

Li Ninfi assicutannu

Scurriri la foresta.

Si un finu sentimentu in tia risbigghia

Un populu di affetti, eccu ch' in Guida

Ieu ci apr' un tempiu bellu a m̃aravigghia

Ddà, nell' attu, ch' inchiaga, e chi ferisci,

Li cori ingentilisci

'Ncostu la Matri Dia lu Dio Cupidu

Mia lira inganna l' aspri affanni, e gravi.

Comu sfoga in suavi

Noti lu rusignolu,

Mentri li peni soi trovanu infantu

(Ch' è puru un gran cunsolu)

Cumpagni a lu sò chiantu .

Passiannu, *passeggiando*. Vaddi, *valli*. Assicutannu, *inseguendo*. In tia, *in te*. Risbigghia, *risveglia*. Ddà, *colà*. Inchiaga, *impia-ga*. 'Ncostu, *vicino*.

Si nun cuntentu di li varj, e tanti
 Sceni, chi tra stu globba, unni dimuri
 Jeu generusa ti presentu avanti,
 Ni avrai chiù granni, e portentusi provi:
 Eccu autri Munni novì,
 Di cui lu Geniu tò n'è creaturi!
 Eccu l'età di l'ora, chi a tia piaci
 Cu la Virtù, e la Paci!
 Sù nomi sconosciuti
 La miseria, li guai, li patimenti,
 Perpetua gioventuti
 Li cori fa cuntenti.

Ma si st'illusioni consolanti
 E' frasturnata da 'na turba immenza
 Di mali, chi si paranu davanti,
 Truvanduti suggesttu a lu destinu
 Di stu munnu mischinu,
 Spera, e confida sù la mia putenza:
 Apru cummerciu cu l'età futuri
 Di gloria in tò favuri:
 Sarai sempri presenti
 All'ozj virtuusi, ed a li muti
 Piaciri di la menti
 Di l'ultimi Niputi.

Autri, altri. Chi a tia, che a te. Sù, sono.

Ieu misi in celu, ed eternai di luci
 D'Orfeu la lira, e Perseu, e li gemelli
 Figghi di Leda Castori, e Polluci:
 Fici a Baccu di stiddi 'na ghirlanda,
 Chi detti ad Arianna:
 Di Ariuni un Delfinu, e setti belli
 Pleadì figghi di lu mauru Atlanti
 In celu sù brillanti:
 Tra lu celesti largu
 Obeliscu immurtali è divintata
 Pri mia la navi d' Argu
 Di stiddi curunata.

Quannu salvari da l'oscuru obliu
 Vogghiu un Eroi, o un figghiu a mia diletta
 Lu vestu tuttu di splendori miu.
 Abbagghiata lu tempu l'armi abbassa,
 Rispetta, ammira, e passa.
 Ritorna a ripassari, e a sò dispettu
 Quantu chiù seurri, e quantu chiù invicchiisci
 Tantu chiù fama crisci;
 Cussì Pindaru, e Alcidi
 Attraversu un torrenti d' anni, ed anni
 Di trattu in trattu vidi
 Farisi in mia chiù granni.

Ieu misi, io misi. Figghi, figli. Fici, feci. Stid-
 di, stelle. Detti, diede. Sù, sono. Largu, spa-
 zio. E' diventata, è divenuta. Pri mia, per me.
 Vogghiu, voglio. Abbagghiata, abbagliato.

Figghiu di gratitudini un internu

Disiju eu leggiu in tia : brami tra l' astri

Lu mecenati tò , chi splenda eternu ?

Serenati , è superflua tua premura ,

Superfluæ ogni mia cura ;

Chi ad onta di calunnj , e disastri ,

Da tempu immemorabil' à dispostu

Giovi per iddu un postu ,

E in celu a lu sò latu

In una splindirà di l' autri luni ,

Chi di lu sò casatu

Sù lucidi curuni .

Fini .

Figghiu , *figlio* . Iddu , *esso* .

O D I XXXIX.

A S. E. Sig. Marchisi Simonetti.

In occasioni chi dimandau all' Auturi li
stampi di li soi poesij pri la secunda
volta, stanti chi li primi c'eranu staji
divorati da lu focu unitamenti all' au-
tri libri, e mobili, per un' incediu,
chi suffriu la sua casa; di lu di cui
dannu ni era statu compensatu da la
munificenza di S. M. di cui truvayasi
Ministru di Statu.

Murritiavanu

Cu l' accidenti

'Ncostu di Stronguli

L' Umani Eventi.

Vulcanu in colura,

Chi da chiù jorna

C' avia li cancri

Dintra li corna,

Murritiavanu, què vale trastullavansi. 'Ncostu,
vicino. Chi, què vale imperciocchè. Da chiù
jorna, da molti giorni prima.

Forti sgridanduli
 Cu brusca cera ,
 Si fici laïdu
 Chiù chi nun era .

Ma, (com' è solitu
 Di li yavusi :
 Chi cu li retichi
 Sù chiù strudusi)

Ci zuppichianu
 Faceunu gabbu ,
 E lu inciurianu
 Vicchiazzu babbu .

A st' improperj
 Lu Dia di Lennu
 Muntatu in furia
 Persi lu sennu :

Vavusi, bavosi, quì s' intende ragazzi. Retichi, barbari, fastidiosi. Stizzusi, proclivi a fare istizzare. Zuppichianu, zoppicano. Babbu, fatuo. A st' improperj, a queste vituperose ingiurie.

Sutta li mantaci
 Ardia un tizzuni
 L'afferra, e scagghiasi
 Com' un liuni.

Chiddi 'mpanneddanu,
 Ed iddu appressu,
 Chiù chi carpianu
 L'annu chiù 'mpressu:

Lu mari passanu,
 E di continu
 Guardanu, e vidinu
 Chi c'è vicinu:

Vennu in Calavria
 Già lassi, e stanchi
 Ed iddu è 'nzemmula
 Quasi a li cianchi:

*Chiddi 'mpanneddanu, quelli scappano via.
 Di continu, continuamente. Carpianu, qui va-
 le corrono. 'Mpressu, presso. 'Nzemmula, as-
 sieme. Cianchi, fianchi.*

Scurrinu voscura,
 Vaddi, e muntagni,
 E si lu sentinu.
 A li calcagni:

Juncinu in Napuli,
 E tra li tetti
 Vannu ammucciandusi
 Di Simionetti:

Lu Diu pri chiudirci
 Qualunqui scampu
 Lu focu appiccica!
 Ed eccu un lampu!

'Na luminaria
 Di manu, in manu
 Sbampa, e in ogn' angulu
 Regna Vulcanu ...

Vaddi, palli. Juncinu, giungono. Ammuc-
 cianusi, occultandosi. Appiccica, appicca.
 Luminaria, vampa di molte materie combusti-
 buli.

Ch' ài fattu ! oh caspita ?
 (Grida Minerva
 Chi tra li cammari
 Lu focu osserva.)

Ah lu miu Tempiu
 Tu m' ài distruttu !
 Ccà di li studj
 Cugghia lu fruttu :

Ccà la Giustizia,
 Ccà lu Sapiri,
 Ccà ci regnavanu
 Li saggi miri. ...

Ma lu lagnaricci
 Di l' accadutu
 'E spisa inutili,
 Tempu pirdutu.

Oh caspita , oh capperi . Ccà , quà . Cugghia.
raccoglieva .

Saprà ritorciri
 La mia saggizza
 Sta gran disgrazia
 In alligrazia

Giacchi a lu meritu
 Viju propenza
 L' eccelsa Reggia
 Munificenza,

Chi pronta ad àpriri
 Lu fonti granni
 Veni a rifarimi
 Di li mei danni,

E ca st' incendiù
 Splindirà chiui
 La vera gloria
 Di tutti dui.

Fini.

Viju, vedo. Apriri, coll' accento sull' à
 aprire.

*A lu Sig. Cumandanti Cav.
D. Giuseppe Poli.*

In risposta ad un Sonettu, chi avia scrittu
a l' Oturi in lingua siciliana:

Circannu Urania
Sò figghiu Poli
Di matematica
Girau li scoli ...

C'è statu, dissiru,
Ma passau avanti,
S' inchiu la vertula,
E arricchiu a tanti ...

Dunca vui fisici
Datimi nova ...
Ci fu, rispuseru,
Ma un si ci trova.

S' inchiu la vertula, si riempì la bisaccia.
Ma un sicci trova, ma non vi si trova.

Ci lasciau l' operi ,
 Chiari , immortali ,
 Dissi , aspittatimi ,
 'E allargau l' ali ...

Unn' avi ad essiri ?
 Forsi dimura
 Intentu all' operi
 Di la Natura ?

Parrati , o Vausi ,
 Fonti , Undi , e Grutti ?
 Chisti rispundinu
 In noti rutti :

Di pocu , oh caspita !
 Tu lu sgarrasti ,
 Ci seursi , e celebri
 Lasciau li rasti .

Unn' av' ad essiri , *dove sarà a dimorare ?* Parrati o vausi , *parlate o balze .* Oh caspita , *oh capperi !* Lu sgarrasti , *lo sbagliasti .* Li rasti , *le vestiggia .*

Vidi, ed ammiralu,
 Vidi scherati
 Tutti chist' ostrachi
 Notomizzati! ...

Basta, finitila,
 Ogn' unu sà
 Soi preggi, e meriti;
 Ma unu' è chi fà?

'Nzumma sgammannusi
 La Dia si sfascia,
 Lu cridirissivu
 Unni poi l' ascia?

Tra lu Castallu
 Fonti, chi pisca
 Cu Musi Siculi
 In festa, e trisca!

Fini.

Vidi, *vedi*. Ma unu' è, *ma dov' è*. Sgamman-
 dusi, *logorandosi le gambe in camminare*. Si
 sfascia, *si stracea*. Lu cridirissivu, *lo crede-*
reste. Unni poi l' ascia, *dove poi lo trova*.

A la celebri

Sig. Cornelia Ellis Miss Knight.

Chi avia tradutti alcuni Idilj di l' Auturi
nellu sò idioma Inglisi.

Sospintu in aria
Da sforzu, e impegnu
Sull' ali debuli
Di lu miu ingegnu,

Arrivu a scòpri
(Benchè di arrassu)
Lu tantu celebri
Munti Parnassu ,

Oh comu splendinu
Li costi attornu
Di lu chiù vividu
Brillanti jornu !

Scòpri: Qui si pronuncia ancora coll' accento sulla prima sillaba . Di arrassu , *da lungi* .

E allatu spiccanu
 Di lu gran fonti
 Omeru , Pindaru ,
 E Anàcreonti !

Versu li margini
 Di dd' acqui chiari
 Cigni castalj
 Sentu cantari :

Maruni , Oraziu
 Gravi , e sonori ,
 Tibullu teneru
 Toeca li cori .

Cu stili armonicu
 Lu Ferrarisi
 Spusa a li grazj
 L'eroich' imprisi :

Li belli lagrimi
 Di Erminia , oh quantu !
 Torquatu spiccanu
 Tra lu tò cantu !

A la -gravissima
 Miltonia trumma
 'Ntona l' Empireu ,
 L' orcu ribumma .

Pope li pelaghi
 Di umani cori
 Sulca cu placidi
 Noti canori .

L' accendi Apollini
 Tutti, e l'investi
 Di lu sò energicu
 Focu celesti .

Oh li Meonj
 Casti Sùrelli
 Quantu sù armonici
 Quantu sù belli !

Ma ... Lu sò numeru
 Di novi fù ,
 Pirch' oggi cuntasi
 Una diechiù ?

Forsi chi sharia
L' occhiu? Ma intona
Cu estremu giubilu
Tuttu Elicona;

Veni a compirinni
L' Aomiu coru
Miss-Knight Anglica
Decima Soru .

Fini .

*Scritta in occasioni
chi S. E. Sig. Principi di Belmunti*

Avia intraprisu di fari costruiri una casina
nobili con una villa di attornu, supra di
una eminenza, o sia d' una falda di mun-
tagna, che sporgi sinu ad un picciulu
crateri di mari nominatu l' Acqua-Santa.

Surgi da l' unni Proteu,
Fissa di l' Acqua Santa
L' occhiu a la schina sterili,
S' infoca d' estru, e canta:

Quantu felici augurii
Ruccuni fortunatu
Di sti toi nudi vausi
Viju schirzari allatu!

Sublimi Geniu, e splendidu
Cu nobili armonia
Bella Natura, e industria
Saprà spusari in tia:

Ruccuni, rocca estesa e grande. Vausi, balze.
Viju, vedo. Schirzari, scherzare. In tia, in te.

Chissa , chi sporgi in aria
 Tua frunti aspra , e pitrusa .
 Sarrà di l' Orti Esperidi
 L' emula chiù famusa .

Surgirà in menzu nobili
 Casina dominanti
 L' ampiu crateri , e insemmula
 Tanti campagni , e tanti .

Quasi bell' Orti pensili
 Di Babilonia attornu
 Jardini di delizii
 Ti ridirannu intornu .

A lu suavi strepitu
 Di fomi , e di acqui erranti
 Lu passaggeri estaticu
 Nun saprà jiri avanti .

Flora , Pomona , e Zefiru
 Tra ssa tua costa intera
 Farrannu un gratu accordiu
 D' Autunnu , e Primavera .

Chissa , cotessa . E inzemmula ; e insieme .
 Jardini , giardini : Jiri , andare . Ssa , cotessa .
Meli Vol. II. 6

Vaghi vuschitti in fertili
 Alleggru , amenu situ
 Farrannu a li sensibili
 Cori suavi invitu .

Sagru sarrai ricoveru
 Dintra ssi macchi ameni
 Ad un felici Geniu
 Diletta a li Cameni (*)

Eccu chi già propiziu
 Lu fatu a mia rispunni ...
 Dissi , avvirau l' auguri ,
 E si attuffau tra l' unni ,

Fini .

Vuschitti , boscchetti . A mia , a me . Dissi ,
 disse .

(*) Allude al P. Michelangelo Monti . Questo
 Genio non abbisogna della Musa altrui ;
 egli si è reso con la sua immortale ,

O. D. I. XLII.

Cumposta estemporania ad una Comedianti,
chiamata la *Davì*, chi malgradu, chi
nun era multu giuvina, cantava cu
bona grazia, ed era eccellenti comica.

Sai bella Veneri
Sai tu pirchè
Li Grazj curriu
A la *Davì*?

Pri fari vùdiri:
Chi ad iddi stà
Rendiri amabili
Qualunqui età:

E chi tu propria,
Tu stissa, tú,
S'iddi ti lassanu
Nun cunti chiù.

Fini.

Vùdiri coll'accento sulla prima i. Ad iddi
stà, che stà ad essi: Cunti, conti. Chiù, più.

Innu a Lucina .

Salvi Lucina pia ,
Chi a li Parturienti
Minuri li tormenti :
Chi avvivi , e metti in via .
Li feti , e li conduci
A vidiri la luci :
E chi a li matri afflitti
Da li sufferti affanni
Calpa , e ristoru spanni .
Estendi li toi dritti .
Supra ogni miu cuncettu ,
Ch'è partu d' intellettu ,
Chi straccu , e fatigatu
Da la nimica sorti
Sulu produci aborti .

Fini .

O D I XLV.

Lu Divorziu .

Stanca di viviri
Vita pinusa ,
Fici divorziu
Da mia la Musa ;

Dicennu : E' angustia
Pri tutti dui
Lu stari 'nzemmula
Uniti chiui .

Pri nui stu seculu ,
Ch' è se-dicenti
Luminusissimu ,
Nun laci neutri .

Di voli' altissimi
Sarrà capaci ;
Ma unn' è Giustizia ?
Unn' è la Paci !

'Nzemmula , *assieme* . Chiui , più .

Unni si trovanu
 Virtù , e costumi ?
 Dunca a chi servinu
 Sti tanti lumi ?

Cu l'oru sbuccanu
 Da un novu munnu
 Li guai, chi abbondanu
 Chiù , chi nun sunnu .

La genti a st' Idolu
 Stendi li manu ,
 E anchi offri vittimi
 Di sangui umanu .

Virtuti , e meriti
 Sacrificati
 Sunnu a sta barbara
 Divinitati .

Si tra stu pelagu
 Profannu , e cupu
 Cercu ajutariti
 Chiù ti sdirrupu ;

Ma giacchi libera ,
E Dia sugnu' iu ,
Un megghiu seculu
Mi cercu : Addiu ...

Fini.

Megghiu , migliore .

Fiducia in Diu.

Lu fragili sapiti essiri nostru
 Gran Diu, chi ni facistivu l'impastu :
 St' anima, ch'aju in pettu è ciatu vostru.
 Siti a sta carni un preziosu ingastu :
 Pri nui vi ristringistivu tra un chiostru
 D'uteru santu, immaculatu, e castu ;
 E comu ardisci l'infernali mostru
 Li vostri dritti mettir' in contrastu ?
 Funda forsi l'iniqua sua spiranza
 Supra li mei peccati, e multi, e granni ?
 Ma lu compensu oh quantu, oh quantu avan-
 Eccu la Crucí, chi a torrenti spanni (za
 Misericordia ! Eccu la mia fidanza !
 Mi attuffu in idda, e chiù nun timu affanni.

Facistivu, *faceste*. Aju, *ho* ! Ciatu, *fiato*.
 Siti, *siete*. Ngastu, *incastro*. In idda, *in essa*.

SONETTO II.

In occasioni di essirsi stampati multissimi
componimenti poetici pri la riacquista-
ta saluti, dopu di una gravissima ma-
latia,

di S. E. Sig. D. Franciscu di Aquinu
allura Vicerè in Sicilia.

Si ad orribili notti timpistusa,
Succedi un serenissimu matinu
Spoggia la trista imagini affannusa,
E canta ogni ociduzzu in sò latinu:
Tali risona in bucca d'ogni Musa
Lu grandi, e lu beneficu d' *Aquinu*,
Ora, chi sua saluti preziosa
A vuti nostri cessi lu destinu.

Stridirà forsi ranca qualche canna:
Ma tra l' affetti granini la Natura
Nun soffrì liggi da la sua tiranna:
L' arti 'un c'è ccà, chi lima, e chi misura;
Ma gioja, chi spanni d'ogni banna,
Comu inunda lu Nilu ogni chianura.

Spoggia, spoggia, depone. Ociduzzu, uccel-
letto. 'Un c'è ccà, non vi è qui. D'ogni ban-
na, da per ogni dove.

SONETTU III.

A S. R. M. di Ferdinandu III. Borbuni ,

In ringraziamentu di una penzionetta
conferita a l' oturi .

Benignissimu Rè sceltu da Diu
Per organu di sua beneficenza ,
Di cui l' impronta viva ni port' iu
Pri provi avuti di vostra elimenza ;
Oh l' ingegnu ajutassi a lu disù
Pri espressarvi la mia riconoscenza ?
Ma l' unu è tarda , e già mi dici : addiu :
L' autru , senz' iddu , è privu di potenza .
Ma sù l' encòinj poi la vera paga
Di li grandi azioni ? ah nò , traluci
In iddi un non sò chi , chi l' alm' appaga .
Tali avviva , e li campi riprodaci
Lu suli , chi li rai spargi , e propaga ,
Ma torna a la sua sfera poi la luci .

L' autru , l' altro . Senz' iddu , senza di esso .
Sù , sono . In iddi , in essi .

Chi ha sirvutu pri memoriali fattu da l'O-
turi a S. R. M. in seguitu di la supra-
ditta penzionetta.

Si è compiaciuta Vostra Maistati
Conferirmi 'na certa pensioni,
Ch'è vera acqua di Aprili a siminati
Pri la ristritta mia condizioni.

Ma decimi, suttratti, e menzannati,
Ceduli, assenti, ed autri espensionì,
Pri cui nun avi summi cumulati
Tra li prim' anni è costernazioni.

Pirchè l'esitu è certu, ed è per ora:
L'introitu è sminzatu (*), ed è futuru,
E si c' arrivu nun lu sacciu ancora.

Perciò la pregu: chi si benignassi,
Pri farmi di la grazia sicuru,
Chi di li pisi, e spisi la esentassi.

Si trunca li mei passi

La Parca, chi nun stà troppu a li patti,
Si è fatta la minestra pri li gatti.

Murennu a spisi fatti,
Pagatuaju lu ciauru, e non gustu,
Lu fumu è statu miu, d'autri l'arrustu.

Sminzatu, dimezzato. Nun lu sacciu, non lo

sò . Pisi , e spisi , *pesi e spese* . Nun sta trop-
 pu a li patti , *non serba fede* . A spisi fatti ,
dopo di aver fatte le spese . Pagatu aju lu ciau-
 ru , *pagato ho l'odore* . 'D'autri cc. di altri
 l'arrosto .

(*) Allude alla mezza annualità da doversi pa-
 gare .

Pri la morti di lu celebri Canonicu
D. Rusariu Digregoriu.

L'enormi ineguagghianza, chi la Sorti,
 Frapponi tra lu debuli, e Potenti,
 Tra Re, e Vassali, Nobili, e pizzenti
 Equilibru sul'ia, dissi la Morti.
 Però, gridau Minerva, tu nun porti
 L'eguali vantù sù li Sapienti,
 Li cui pinseri, fighi di la menti
 Restanu tra li carti e vivi, e forti.
 Cussì spira, e rispettu si concilia
 Dintra l'operi soi, tra la sua storia
Gregoriu nostru, e lu tò fastu umilia.
 Calma dunca superba la tua boria,
 Chi ancorchè si subbissi la Sicilia
 Restirà d'iddu viva la memoria.

Pizzenti, *miserabili*, Gridau, gridò. Figli,
 figli. D'iddu, di esso.

 Origini di la' Poesia.

Quannu nuda azzardau la Viritati
 Mustrarisi ccà 'nterra a li Murtali
 Fu sfazzunata, e cu l'anchi stuccati
 A li Licei ricursi pri spitali :
 Sula Filosofia n' appi pietati,
 L' accogghiu, la curau di li soi mali.
 Ma comu chiù appariri pri li strati
 Stantí l'odiu di l'omini fatali ?
 Ccà fu, 'chi tutti dui si stracanciaru
 Cu mascari, bautti, e dominò,
 Chi da la finzioni s'impristàru.
 La favula è stata dunca, ed è lu sò
 Salvu-cunduttu ; e tutti tri di paru
 Componnu, o Poesia, l'essiri tò.

*Azzardau, si arrischiò. Fu sfazzunata, fu
 svissata. Cu l'anchi stuccati, con l'anche rotte.
 Pri spitali, per ospedale. Ni appi, ne ebbe pie-
 tà. L' accughin, la curau, l' accolse, la curò.
 Ccà fu, quì fu. Si stracanciaru, si travestiro-
 no. Di paru, unitamente. Componnu cc. com-
 pongono o Poesia l' assenza tua.*

All' Ill. Sig. Presidenti Cav.

D. Giuseppe Poli.

In occasioni di una gravi sua malattia.

Morti contra di Poli l'arcu impugni !
 Chi fai? rifletti. Nenti ci guadagni.
 Ddocu ci sù li Troi, e li Cutugni,
 Chi ti hannu ammulari li calcagni.
 E datu, chi l'accarpi, e lu sgranfugni,
 Anzi lu pisti, o chi ni fai lasagni,
 Da l'immortalità comu lu scugni?
 E da li cori umani lu scumpagni?
 Un beni, chi si perdi chiù si apprezza,
 Un omu insigni, chi da tia si accozza
 'E un vinu, chi deponi la sua fezza.
 Penzacci dunca, li tòi cunti sbozza ...
 Ieu cussì dissi: Idda lu dardu spezza,
 Ed a lu muru si sbatti la crozza.

*Ddocu ec. costà vi sono li Troi e li Cotogni
 Medici rinomati. Chi ti hannu ec. che ti fanno
 dare di piedi. E datu ec. e dato che lo afferrì
 e lo sgraffj. Comu lu scugni? come lo spigni
 fuori? Si accozza, si uccide. Si sbatti la croz-
 za, si batte il teschio.*

A l' Accademia Patriotica.

In occasioni di un discursu ricitatusi a favuri
di l'idioma Sicilianu.

Vivi la Matri vostra, Iddiu la guardi,
Amatila, e 'un circati 'na Matrigna..
Sia cura, e triddu di muli-bastardi
Lu zappari di l'estiri la vigua.
L'istintu di Natura anchi a li Pardi,
Anchi a li Tigri stu doviri' insigna.
Urla lu lupu quann' à fami, o s'ardi,
Ne s'impiesta lu gergu di la Signa.
Lu sulu Pappagaddu 'nfurgicata
S'avi 'na lingua pri parrari a matti,
Facennu d'ocedd'-omu capriata.
Multi accademj eu sacciu accussì fatti
Grec'-Itali-Latini: Allurtimata
Ch'aviti 'ntisu? Na sciarra di Gatti.

Matri vostra, *s' intende vostra materna favella*: Triddu, *capriccio*. Signa, *scimia*. 'Nfruggicata, *imboccata*: S'avi na lingua, *si ha un linguaggio*. Capriata, *miscuglio*. Jen sacciu, *io so*. Allurtimata, *alla fine*. Ch'aviti 'ntisu, *cosa avete inteso?*

Chi davia sirviri pri Maggistrali
In lodi di la Musica.

Splendi stiddata la celesti lira ,
'E figghia di lu celu l'Armunia ,
Armonica ogni sfera in aria gira ,
Saggiu di Samu eccu mi appellu a tia .
Di lu Tartaru Orfeu disarmu l'ira ,
Surgi Tebbi da grata miludìa ,
Pani a Siringa nova vita ispira ,
Musica di li cori è la maggìa .
Spetra , e arrimodda alpestri , e duri petti ,
Scoti li pigri , e a vili dà coraggiu ,
Spiega , trasfundi , ed eccita l'affetti .
Mett'in fuga ogni Geniu malvaggiu ,
Tocca l'intimi tasti a li diletta ,
Di eternu gaudiu anticipatu saggiu .

Stiddata , *stellata* . 'E figghia , *è figghia* . A
tia , *a te* . Arrimodda , *fa molli o pieghevoli* .

A l' Ill. Sig. Marchisi D. Agostinu Cardillu

Per un complimentu di carni salvaggina,
chi l' Auturi, per un sbagghiu di cui
era statu incaricatu di dividerla, nun ri-
civiu.

Nun aviri rigali è 'na disgrazia,
Ma sta disgrazia includi anchi un vantaggiu,
Chi 'un s' avi obligu, e a nuddu si ringrazia
E un' omu cu lu sò campa da saggiu.

Puru st' occhiu di grassu, chi nun sazia,
La sorti mi lu nega pri chiù oltraggiu:
Mi fa schiavu a la vostra bona grazia
Senza tastari lu porcu salvaggiu:

Pirchè m' insigna la Religioni:
Chi l' atti meritorj, e li peccati
Si fannu ancora cu l' intenzioni.

Perciò, Sig. Marchisi meritati,
Chi eu vi professi un' obbligazioni
Cu labri asciutti, e li denti mundati.

Rigali, complimenti. Nuddu, nessuno. Cu
lu sò, s' intende col suo patrimonio o col suo
tangente. St' occhiu di grassu, questo granel di
bene. Tastari, gustare. Lu porcu salvaggiu,
il cignale.

A lu supradittu in occasioni di raccomandarci
un' Agrimensuri .

Cui li debiti soi nun pò pagari ,
Ed è di facci bianca , omu d'onuri ,
S'avi 'na gioja si la v' a 'mpignari ,
O la cedi a lu propria credituri .
Chistu sugn' iu : Nun pozzu sodisfari
L'oblighi a un Casaceli Agrimensuri ,
Omu tra lu só impiegu singolari ,
E chi mi á fattu varii favuri .
'Aju 'na gioja (Tali apprezza in menti
Ddu filiddu di grazia , di cui dignu
Vostra bontà mi à fattu o Prisidenti)
Chista , si permettiti , mi la 'mpignu ,
O la cedu , acciò chiddu si la assenti ,
Ed in miu locu ad iddu vi cunsignu .

Cui , *chi* . A 'mpignari , *a pignorare* . Chi-
stu sugn' iu , *questo son' io* . Nun pozzu , *non*
posso . 'Aju , *ho* . Ddu filiddu , *filetto o sia te-*
nue parte . Chista , *questa* . Mi fa 'mpignu , *me*
la pegnoro . Ad iddu vi cunsignu , *ad esso vi*
consegno .

In risposta ad un'invitu di l'accademici di
 Poesia Sicelliana, chi dopu varj, e di-
 sgraziati vicenni, avianu fissatu li soi ra-
 dunamenti in casa

di l' Ill. Marchisi Roccaforti.

Sia lu meritu vostru, o vostra sorti,
 Vi lasciai 'nvaddunati, ora vi trovu
 Appicicati tra 'na Rocca forti
 Piaciri granui, in verità, ni provu.
 Cussì vitti virmuzzi in menzu all'orti
 Rannicchiati tra un stucciu fattu ad ovi
 Sfuiri, mentri già parianu morti,
 Cu l'ali aperti e vistuti di novu.
 Muvennu dunqui l'ali da sta Rocca
 Siti in Parnassu senza ciu, nè bau,
 Firriatilu tutta 'ca vi tocca.
 Di mia a cui spija dirriti: scacau,
 La vostra grazia, ch'unni tocca stocca,
 Ni fici cottu a fumu-un muciumau.

*'Nvaddunati, impantanati. Appicicati, asce-
 si. Vitti, vidi. Virmuzzi, piccioli vermi. Stuc-
 ciu, astuccio. Sfuiri, sfuggiri. Senza ciu, ne
 bau, quì s' intende, senza far motto e fatica.
 Firriatilu, giratelo. Ca vi tocca, che vi si
 deve o che lo meritate. Di mia a cui spija, a
 chi domanda di me. Scacau, e proprio delle
 trottole quando terminano di girare.*

Contra l'abusu in medicina di lu sistema
di *Braun*.

Di la sua vita all'ultimì simani
Lu vecchiu Nannu miu Carnilivari.
L'estremu fatu vulennu evitari
Tinni 'na giunta di Brauniani.
Decisiru: Li solidi sù sani;
Ma la diretta debolizza appari,
S'ecceiti cu grau stimuli, e manciari
Carni, sosizza, pirnici, e faciani...
Fratautu chiù si avanzanu li baschi.
Sdillinia!... Ed iddi esclamanu: 'E prisenti
Debolizza indiretta! Olà li ciaschi...
Morsi,.. Eh benì... ch'importa? Nun é nenti;
Ma muriu saziu fina tra li naschi,
E fu curatu maggistribilmenti.

All'ultimi simani, *alle ultime settimane*. Lu
vecchiu nannu, *il vecchio nonno*. Tinni 'na
giunta, *tenne un consulto*. Baschi, *affanni*,
estruzioni. Sdillinia, *furnetica*. Ciaschi, *fiu-*
schi. Morsi, *mori*. Muriu, *mori*. Naschi, *na-*
rici.

All' Ill. Sig. Presidenti

Cav. D. Giuseppe Poli.

In risposta ad 'un sò sonettu scrittu

In lingua Siciliana.

Quannu la sorti voli fari un dannu

Ad un nimicu sò particolari,

Senza ch' idda si avissi a incommodari,

Bast' a farlu Poeta memorannu.

Ducentu mila versi oggi nun vannu

Nè a procacciarvi un tozzu, nè a pagari

'Na sula detta, e sia di tri dinari,

Nè a sgravarvi di un cancaru, o malannu

E vui Sig. D. Pippu friscu, e linnu

Faciti versi! E lu peju é, chi sunnu

Bonissimi, e di fari a tutti spinnu.

Nun vi basta tuccaricci lu funnu.

A li scienzi? Vult' iri in Pinnu?

Ma daticci un addiu prima a lu munnu.

Idda, essa. Tozzu, morso di pane. Detta, debito. Faciti, fate. E lu peju è, ed il peggio si è. Chi sunnu, che sono. Da fari a tutti spinnu, da far gola a tutti. Vultiti iri, volete andare. Ma datici un addiu, ma dategli un addio. Munnu, Mondo.

SONETTO XV.

La testa Oietu isau da la currenti,
 E vitti a li soi spiaggi un Pariginu;
 Si strica l'occhi, e acchicchia chiù vicinu:
 Santu pri l'arma, dissi, è conuscenti!
 'E iddu, o nun è iddu? oh certamenti
 Nun la sbagghiu, è Palermu meu cucinu;
 Talè ch'è linnu, pari n'amurinu!
 Comu ringiuviniu 'intempu di nenti!
 A pedi di Voscenza, Patrun miu;
 Godu in vidirlu prosperu, e felici;
 Tantu riccu però nun vi ci criu.
 Palermu aggiusta un bucculu, e poi dici:
 L'abbunanza, e scarsizza la fa Diu
 La pulizia l'ha fattu Regalmici. (*)

Isau, alzò. Vitti, vidi. Strica, strofina.
 Acchicchia chiù, sbircia più. Santu pri l'arma,
 cospetto. Miu cucinu, mio cugino. Talè, guar-
 da. Voscenza, Vostra Eccellenza. Linnu, lin-
 do, attellato. E' iddu, è egli. Nun vicci criu,
 non vi credo per certo.

(*) Questo sonetto fu composto nel 1781 in oc-
 casione, che il fu D. Antonino La Grua e
 Talamanca, allora Marchese di Regalmici,
 trovandosi Pretore della Città di Palermo
 crasi particolarmente adoperato in tempo
 del suo governo a decorare la Patria di
 nuovi spaziosi stradoni, di una bellissima
 villa e di altre magnificenze.

Umbri, figghi a la notti chi abbitannu
 Stati 'ntra grutti, ed orridi furesti,
 Deh! chi l' estremu miu spiritu resti
 A chianciri cu vui lu propriu dannu,
 Si mai ccà junci, accasu caminannu,
 Chidda, chi l' alma di riguri vesti,
 In flebbili lamenti, e vuoi mesti
 Diciticci: murìu, murìu d' affannu,
 D' un inutili lagrima si forsi
 Bagna la fridda cinniri, 'un spirati,
 Chi sia cumpassioni di cui morsi;
 E' strania 'ntra ddu oorì la pietati;
 E si chianci, n' è causa, chi si accorsi,
 Chi mortu iu, nun c'è chiù, cui pr'idda pati.

Chianciri, *piangere*. Ccà junci, *qui arriva*.
 Chidda, *colei*. Diciticci: murìu, *ditele: morì*.
 Un, *non*. Morsi, *mori*. Strana, *straniera*.
 sconosciuta. 'Ntra ddu, *in quelli*. Cui pr'idda
 pati, *chi per lei patisce*.

CANZUNETTI.

Scritti in tempu, e nell' occasioni, chi si
 incominciava a costruiri la Villa Pubbli-
 ca pri lu zelu patrioticu di lu fu *Eccmu*
D. Antoninu la Grua, e *Talamanca*
 allora Preturi di Palermu.

Tra lu pettu nun c' à cori
 Cui nun godi la marina
 Cu sta bella siritina
 Tra sta villa chi si fa .

1

Già si sviscera la terra
 Pri 'mpristaricci li marmi,
 Quantu ciarmi, chi rinserra
 La funtana, chi c' è ddà?

Lu gran Geniu d' Aduni
 Da l'esperidi vinutu
 Va spargennu tra st' ignuni
 La chiù bella amenità .
 Tra lu pettu ec.

Cui, *chi*. Cu sta, *con questa*. Siritina, *se-*
rata. Tra sta, *in questa*. 'Mpristaricci, *pre-*
starici. Ciarmi, *vezzi o grazie*. Chi c' è ddà .
che vi è là. 'Ngguni, *nascondigli*.

Ido

L

L

L

Sen

M

E

S

Vidi

Id

N

U

Ed

Je

Q

'E

Senza pa

rende. Vidi

Jetta l'occ

tutto.

(*) Sembra
nuova

Oh li Ninfi di l' Oretu
 Vranchi vranchi, linni linni !
 Giovi scinni , e stà cuetu
 S' è possibili chiù ccà .

Tutti gridanu a lu celu
 Viva Amuri ; viva cui
 Fici a nui cu lu sò zelu
 Sta felici libertà .

Tra lu pettu ec.

Fini .

Vranchi , bianchi , Linni linni , leggieri e
snelli . Scinni , scendi . E stà cuetu , e stà
chieto . Chiù ccà , più quà . Viva cui , viva chi ,
si allude al sù sopralodato Signor Pretore .
 Fici a nui , fece a noi .

 Origini di la' Poesia.

Quannu nuda azzardau la Viritati
 Mustrarisi ccà 'nterra a li Murtali
 Fu sfazzunata, e cu l'anchi stuccati
 A li Licei ricursi pri spitali :
 Sula Filosofia n'appi pietati,
 L'accogghiu, la curau di li soi mali.
 Ma' comu chiù appariri pri li strati
 Stanti l'odiu di l'omini fatali ?
 Ceà fu, 'chi tutti dui si stracanciaru
 Cu mascari, bautti, e dominò,
 Chi da la finzioni s'impristàru.
 La favula è stata dunca, ed è lu sò
 Salvu-cunduttu ; e tutti tri di paru
 Componnu, o Poesia, l'essiri tò.

*Azzardau, si arrischio. Fu sfazzunata, fu
 svisata. Cu l'anchi stuccati, con l'anche rotte.
 Pri spitali, per ospetale. Ni appi, ne ebbe pie-
 tà. L'accughiu, la curau, l'accolte, la curò.
 Ceà fu, què fu. Si stracanciaru, si travestiro-
 no. Di paru, unitamente. Componnu cc. com-
 pongono o Poesia l'assenza tua.*

SONETTU VII.

All' Ill. Sig. Presidenti Cav.
D. Giuseppe Poli.

In occasioni di una gravi sua malattia.

Morti contra di Poli l'arcu impugni!
Chi fai? rifletti. Nenti ci guadagni.
Ddocu ci sù li Troi, e li Cutugni,
Chi ti fannu ammulari li calcagni.
E datu, chi l'accarpi, e lu sgranfugni,
Anzi lu pisti, o chi ni fai lasagni,
Da l'immortalità comu' lu seugni?
E da li cori umani lu scumpagni?
Un beni, chi si perdi chiù si apprezza,
Un omu insigni, chi da tia si accozza
'E un vinu, chi deponi la sua fezza.
Penzacci dunca, li tói cunti sbozza ...
Ieu cussì dissi: Idda lu dardu spezza,
Ed a lu muru si sbatti la crozza.

*Ddocu ec. costà vi sono li Troi e li Cotogni
Medici rinomati. Chi ti fannu ec. che ti fanno
dare di piedi. E datu ec. e dato che lo afferrì
e lo sgraffj. Comu' lu seugni? come lo spigni
fuori? Si accozza, si uccide. Si sbatti la croz-
za, si batte il tèschio.*

A l' Accademia Patriotica.

In occasioni di un discursu ricitatusi a favuri
di l'idioma Sicilianu.

Vivi la Matri vostra, Iddiu la guardi,
Amatila, e 'un circati 'na Matrigna.
Sia cura, e triddu di muli-bastardi
Lu zappari di l'estiri la vigua.
L'istintu di Natura anchi a li Pardi,
Anchi a li Tigrì stu doviri' insigna.
Urla lu lupu quann' à fami, o s'ardi,
Ne s'impriesta lu gergu di la Signa.
Lu sulu Pappagaddu 'nfurgicata
S'avi 'na lingua pri parrari a matti,
Facennu d'ocedd'-omu capriata.
Multi accàdemj eu sacciu accussì fatti
Grec'-Itali-Latini: Allurtimata
Ch'aviti 'ntisu? Na sciarra di Gatti.

Matri vostra, *s' intende vostra materna favella*: Triddu, *capriccio*. Signa, *seimia*. 'Nfruggicata, *imboccata*: S'avi na lingua, *si ha un linguaggio*. Capriata, *miscuglio*. Jeu sacciu, *io sò*. Allurtimata, *alla fine*. Ch'aviti 'ntisu, *cosa avete inteso?*

Chi duxia sirviri pri Magistrali
In lodi di la Musica.

Splendi stiddata la celesti lira ,
'E figghia di lu celu l'Armunia ,
Armonica ogni sfera in aria gira ,
Saggiu di Samu eccu mi appellu a tia .
Di lu Tartaru Orfeu disarmu l'ira ,
Surgi Tebbi da grata miludìa ,
Pani a Siringa nova vita ispira ,
Musica di li cori è la maggìa .
Spetra , e arrimodda alpestri , e duri petti ,
Scoti li pigri , e a vili dà coraggiu ,
Spiega , trasfundi , ed eccita l'affetti .
Mett' in fuga ogni Geniu malvaggiu ,
Tocca l'intimi tasti a li diletti ,
Di eternu gaudiu anticipatu saggiu .

Stiddata , *stellata* . 'E figghia , *è figghia* . A
tia , *a te* . Arrimodda , *fa molli o pieghevoli* .

A l' Ill. Sig. Marchisi D. Agostinu Cardillu

Per un complimentu di carni salvaggina,
chi l' Auturi, per un sbagghiu di cui
era statu incaricatu di dividirla, nun ri-
civiu.

Nun aviri rigali è 'na disgrazia,
Ma sta disgrazia includi anchi un vantaggiu,
Chi 'un s' avi obligu, e a nuddu si ringrazia
E un' omu cu lu sò campa da saggiu.

Puru st' occhiu di grassu, chi nun sazia,
La sorti mi lu nega pri chiù oltraggiu:
Mi fà schiavu a la vostra bona grazia
Senza tastari lu porcu salvaggiu:

Pirchè m' insìgna la Religioni:
Chi l' atti meritorj, e li peccati
Si fanu ancora cu l' intenzioni.

Perciò, Sig. Marchisi meritati,
Chi eu vi professi un' obbligazioni
Cu labri asciutti, e li denti mundati.

Rigali, complimenti. Nuddu, nessuno. Cu
lu sò, s' intende col suo patrimonio, o col suo
tangente. St' occhiu di grassu, questo granel di
bene. Tastari, gustare. Lu porcu salvaggiu,
il cignale.

A lu supradittu in occasioni di raccumandarci
un' Agrimensuri .

Cui li debiti soi nun pò pagari ,
Ed è di facci bianca , omu d'onuri ,
S' avi 'na gioja si la v' a 'mpignari ,
O la cedi a lu propria credituri .
Chistu sugn' iu : Nun pozzu sodisfari
L' obblighi a un Casaceli Agrimensuri ,
Omu tra lu só impiegu singulari ,
E chi mi á fattu varii favuri .
'Aju 'na gioja (Tali apprezzu in menti
Ddu filiddu di grazia , di cui dignu
Vostra bontà mi à fattu o Prisidenti)
Chista , si permettiti , mi la 'mpignu ,
O la cedu , acciò chiddu si la assenti ,
Ed in miu locu ad iddu vi cunsignu .

Cui , *chi* . A 'mpignari , a pignorare . Chi-
stu sugn' iu , *questo son' io* . Nun pozzu , non
posso . 'Aju , *ho* . Ddu filiddu , *filetto o sia te-
nue parte* . Chista , *questa* . Mi la 'mpignu , *me
la pegnoro* . Ad iddu vi cunsignu , *ad esso vi
consegno* .

In risposta ad un'invitu di l'accademici di
Poesia Sicilianu , chi dopu varj , e di-
sgraziati vicenni , avianu fissatu li soi ra-
dunamenti in casa

di l' Ill. Marchisi Roccaforti.

Sia lu meritu vostru , o vostra sorti ,
Vi lasciai 'nvaddunati , ora vi trovu
Appicccati tra 'na Rocca forti
Piaciri granni , in verità , ni provu .
Cussì vitti virimuzzi in menzu all'orti
Rannicchiati tra un stucciu fattu ad ovu
Sfuirì , mentrì già parianu morti ,
Cu l'ali aperti e vistuti di novu .
Muvennu dunqui l'ali da sta Rocca
Siti in Parnassu senza ciu , nè bau ,
Firriatilu tuttu 'ca vi tocca .
Di mia a cui spija dirriti : scacau ,
La vostra grazia , ch' unni tocca stocca ,
Ni fici cottu a fumu un muciumau .

*'Nvaddunati , impantanati . Appicccati , asce-
si . Vitti , vidi . Virimuzzi , piccioli vermi . Stuc-
ciu , astuccio . Sfuirì , sfuggiri . Senza ciu , nè
bau , quì s' intende , senza far motto e fatica .
Firriatilu , giratelo . Ca vi tocca , che vi si
deve o che lo meritate . Di mia a cui spija , a
chi domanda di me . Scacau , e proprio delle
trottole quando terminano di girare .*

SONETTO XIII.

Contra l'abusu in medicina di lu sistema
di *Braun*.

Di la sua vita all'ultimi simani
Lu vecchju Nannu miu Carniliari.
L'estremu fatu vulennu evitari
Tinni 'na giunta di Brauniani.
Decisiru: Li solidi sù sani;
Ma la diretta debolizza appari,
S'ecciti cu gran stimuli, e manciari
Carni, sosizza, pirnici, e faciani...
Fratautu chiù si avanzanu li baschi.
Sdillinia!... Ed iddi esclamanu: 'E prisenti
Debolizza indiretta! Oia li ciaschi...
Morsi... Eh beni... ch'importa? Nun é nenti;
Ma injuriu saziu fina tra li naschi,
E fu curatu maggistribilmenti.

All'ultimi simani, *alle ultime settimane*. Lu
vecchju nannu, *il vecchio nonno*. Tinni 'na
giunta, *tenne un consulto*. Baschi, *affanni*,
estruzioni. Sdillinia, *furnetica*. Ciaschi, *fiu-*
schi. Morsi, *mori*. Murju, *mori*. Naschi, *na-*
rici.

All' Ill. Sig. Presidenti

Cav. D. Giuseppe Poli.

In risposta ad un sò sonettu scrittu
In lingua Siciliana.

Quannu la sorti voli fari un dannu

Ad un nimicu sò particolari,

Senza ch' idda si avissi a incommodari,

Bast'a furlu Poeta memorannu.

Ducentu mila versi oggi nun vannu

Nè a procacciarvi un tozzu, nè a pagari

'Na sula detta, e sia di tri dinari,

Nè a sgravarvi di un caucaru, o malannu

E vai Sig. D. Pippu friscu, e linu

Faciti versi! E lu peju é, chi sunnu

Bonissimi, e di fari a tutti spinnu.

Nun vi basta tuccaricci lu funnu.

A li scienzi? Vilit'iri in Pinnu?

Ma daticci un addiu prima a lu munnu.

Idda, essa. Tozzu, morso di pane. Detta, debito. Faciti, fate. E lu peju è, ed il peggio si è. Chi sunnu, che sono. Da fari a tutti spinnu, da far gola a tutti. Viliti iri, volete andare. Ma datici un addiu, ma dategli un addio. Munnu, Mondo.

La testa Oietu isau da la currenti ,
 E vitti a li soi spiaggi un Pariginu ;
 Si strica l'occhi , e acchiechia chiù vicinu :
 Santu pri l'arma , dissi , è conuscenti !
 'E iddu , o nun è iddu ? oh certamente
 Nun la sbagghiu , è Palermu meu cucinu ;
 Talè ch'è lionu , pari n' amurinu !
 Comu ringiuviniu 'intempu di nenti !
 A pedi di Voscenza , Patrun miu ;
 Godu in viderlu prosperu , e felici ;
 Tantu riccu però nun vi ci criu .
 Palermu aggiusta un bucculu , e poi dici :
 L'abbunanza , e scarsizza la fa Diu
 La pulizia l'ha fattu Regalmici . (*)

Isau , alzò : Vitti , vidi . Strica , strofina .
 Acchiechia chiù , sbircia più . Santu pri l'arma ,
 cospetto . Miu cucinu , mio cugino . Talè , guar-
 da . Voscenza , Vostra Eccellenza . Linnu , lin-
 do , attellato . E' iddu , è egli . Nun vicci criu ,
 non vi credo per certo .

(*) Questo sonetto fu composto nel 1781 in oc-
 casione , che il fù D. Antonino La Grua e
 Talamanca , allora Marchese di Regalmici ,
 trovandosi Pretore della Città di Palermo
 crasi particolarmente adoperato in tempo
 del suo governo a decorare la Patria di
 nuovi spaziosi stradoni , di una bellissima
 villa e di altre magnificenze .

Umbri, figghi a la notti chi abbitannu
 Stati 'ntra grutti, ed orridi furesti,
 Deh! chi l'estremu miu spiritù resti
 A chianciri cu vui lu propriu dannu,
 Si mai cca junci, accasu caminannu,
 Chidda, chi l'alma di riguri vesti,
 In flebbili lamenti, e vuoi mesti
 Diciticci: murìu, murìu d'affannu,
 D'un inutili lagrima si forsi
 Bagna la fridda cinniri, 'un spirati,
 Chi sia cumpassioni di cui morsi;
 E' strana 'ntra ddu cori la pietati;
 E si chianci, n'è causa, chi si accorsi,
 Chi mortu iu, nun c'è chiù, cui pr'idda pati.

Chianciri, *piangere*. Cca junci, *qui arriva*.
 Chidda, *colei*. Diciticci: murìu, *ditele: morì*.
 Un, *non*. Morsi, *mori*. Strana, *straniera*.
 sconosciuta. 'Ntra ddu, *in quelli*. Cui pr'idda
 pati, *chi per lei patisce*.

CANZUNETTI.

Scritti in tempu, e nell' occasioni, chi si
 incominciava a costruiri la Villa Pubbli-
 ca pri lu zelu patrioticu di lu fu *Eccmu*
D. Antoninu la Grua, e Talamanca
 allura Preturi di Palermu.

Tra lu pettu nun c' à cori
 Cui nun godi la marina
 Cu sta bella siritina
 Tra sta villa chi si fa .

1

Già si sviscera la terra
 Pri 'mpristaricci li marmi,
 Quantu ciarmi, chi rinserra
 La funtana, chi c' è ddà?

Lu gran Geniu d' Aduni
 Da l'esperidi vinutu
 Va spargennu tra st' ignuni
 La chiù bella amenità .
 Tra lu pettu ec.

Cui, *chi*. Cu sta, *con questa*. Siritina, *se-*
rata. Tra sta, *in questa*. 'Mpristaricci, *pre-*
starici. Ciarmi, *vezzi o grazie*. Chi c' è ddà .
che vi è là. 'Ngnuni, *nascondigli* .

Zittu zittu: sentu scruseiu!

Talè l'acqua comu casca

Di dda vasca, e musciu musciu

Lu spannenti sinni và!

Chianci, e fa milli raggiri

'Mmenzu all'erbi, unni si trova,

Forsi prova dispiaciri

A lu nesciri di ddà.

Tra lu pettu ec.

Senti senti comu ciata

Lu frischettu tra ssi frunni!

Ci rispunni innamurata

La Marina poi di ddà.

Quantu Grazj, quanti Amuri

Ni sbulazzanu d'attornu!

Di lu jornu lu splenduri

Cedi all'umbra, chi c'è ccà.

Tra lu pettu ec.

Talè, guarda. Da dda, da quella. Musciu, musciu, lento, lento. Sinni và, se ne và. A lu nesciri di ddà, all'uscire di là. Ciata, fiata o spira. Ci rispunni, gli risponde. Chi c'è ccà, che vi è quà.

Oh li Ninfi di l' Oretu
 Vranchi vranchi, linni linni !
 Giovi scinni , e stà cuetu
 S' è possibili chiù ccà .

Tutti gridanu a lu celu
 Viva Amuri , viva cui
 Fici a nui cu lu sò zelu
 Sta felici libertà .

Tra lu pettu ec.

Fini .

Vranchi , *bianchi* , Linni linni , *leggieri e snelli* . Scinui , *scendi* . E stà cuetu , *e stà chieto* . Chiù ccà , *più quà* . Viva cui , *viva chi* , *si allude al sù-sopralodato Signor Pretore* . Fici a nui , *fece a noi* .

Li Piscaturi.

1

Supra lu scogghiu
Di Mustazzola
L' aipa vola ,
L' alba si fà .

Picciotti beddi ,
Viniti a mari ;
L' acqui sù chiari ,
La varca è ccà .

Mustazzola, spiaggia marittima nelle vicinanze di Palermo un poco al di là, dove Oreto mette foce. Aipa, alcione o smergo uccello aquatico rapace. Picciotti, ragazze. Sù, sono. E' ccà, è qui.

Sunati brogni
Figghli di l' unni ,
Ca vi rispunni
Prontu l' olè .

Concavi grutti
Via risunati ;
Arrisbigghiati
L' ecu , chi c' è .

Sta gran chiara
Sparsa d' intornu ,
D' un bellu jornu
Fidi ci fá .

Un frischiceddu ,
Chi appena ciata ,
L' unna salata
'Ngrispannu và .

Brogni , buccine , Sta , questa. Chiara , crepuscolo della mattina . Jornu , giorno. Frischiceddu , auretta . Ciata , spira .

Deh veni , o Dori ,
 Vuci d' argentu ,
 Quinta elementu
 Novu Perù .

Veni a cantari
 Dda canzunedda :
 » Un' Anciledda ,
 » E forsi chiù ,

Ci vogghiu a Nici
 Di pettu quattru ,
 Chi l' occhiu latru
 Muvennu và .

La sua prisenza
 L' almi ristora ,
 Comu l' Aurora
 L' ervi d' Està .

Dda canzunedda, quella canzoncina. Un' Anciledda cc. intercalare d' una canzonetta, che suole cantare il volgo. Ervi, erbe.

6

Cinta à la frunti
 Di juncu , e d' arca ,
 E nun s' imbarca
 Nici ! pirchè ?

Nici pretenni
 L' autri imbarcari ;
 Nici piscari
 Soli accussì .

7

Raisi Andrià
 Pripara l' amu ;
 Idd' è lu chiamu ;
 Ecculu ddà .

Avi na riti
 Di fina magghia ,
 Chi la fragagghia .
 Scupannu và :

Arca , alga . Imbarcari , qui allegoricamente s' intende , indurre altri ad un rischio . Soli accussi , suole così . Raisi , capo di bassa marinaria . Iddu è lu chiamu , egli è colui che dà il tuono . Ddà , colà . Na , una . Fragagghia , quantità di pesciolini .

Jamu a li nassi ,
 Oh chi piaciri !
 Jamu a vidiri ,
 Chi pisca c' è.

Vidremu sbattiri
 Vivi , e virmigghi,
 Scrofani e trigghi
 A tinghi-tè.

9

Lu mari invita ;
 Lu friscu alletta ;
 Via chi s'aspetta ?
 Via chi si fa ?

Picciotti beddi ,
 Viniti a mari ;
 L'acqui su chiari ;
 La varca è ccà .

Fini.

Na , una . Fragagghia , *quantità di pesciolini* . Jamu , *andiamo* . A tinghi-tè , *qui vale in quantità* . Picciotti beddi , *ragazze belle* . Sù , *sono* .

1

O bedda Nici,
 Scuma di zuccaru,
 E chi ti fici,
 Ca 'un m'ami chiù?

Nun c'è jurnata,
 Chi 'un s'è 'ncagnata;
 Chi sorti retica
 La mia, chi fùl.

2

Chi tinni veni,
 Bedda, ad amarimi?
 Vogghimi beni,
 Chi custa un sì?

Gnocu-gnucannu
 Vai rifriddannu!
 Santu dipántani!
 Dimmi pircí?

Scuma, schiuma. Ca 'un, che non. 'Ncagnata, corucciata. Retica, fastidiosa. Chi tinni veni, qual danno a te può venire. Gnocu-gnucannu, insensibilmente. Santu dipántani, termine di un colerico che presso a poco vale cospettone.

M'ai pr' importunu
 Pirchi lu saturu
 A lu dijunu
 Fidi un ci dà .

Làssati amari ,
 Biddizzi rari ,
 Via cumpatemunni
 Pri carità .

4

Ntra ssi labruzzi
 C'è l'incantisimu ,
 Dintra ss' ucchiuzzi
 C'è un non sò chi .

N' amaru duci ,
 Chi s' introduci ,
 E manna 'mpàsimu
 L'arma a ddi-ddi .

Saturu , *satollo* . Lassati amari , *permetti chi io t'ami* . Cumpatemunni , *compassionamoci l'un l'altro* . Ntra ssi , *in cotesti* . 'Mpasimu , *in deliquio* . A ddi-ddi , *agli Elisi* .

Pri quanta aduru
Ss' ucchiuzzi amabili,
Bedda, ti juru,
Chi 'un pozzu chiù.

Si tu 'un ti muti,
Si tu 'un m'ajuti,
Eu moru, e causa
Ni sarrai tu.

Fini.

Ucchiuzzi, *vezz. di occhi*. Juru, *giuro*. Chi
'un pozzu chiù, *che non posso più*. Un, *non*,
Eu, *io*.

Allurtimata

Jeu chi ti fici?

E vaja, Nici,

Vaja, chi fù?

E vaja via,

Vaja, biddicchia,

Ridi tanticchia,

Vaja 'un sia chiù?

Nò, nun ci vaju

Chiù ddà, unni Chidda:

Nò picciridda,

Nò figghia nò.

Nun ti scantari,

Nò, gioja mia,

Autru, chi tia

Nun amirò.

All' ultimata, *alla fine*. E vaja, *sù via*. Bid-
dicchia, *belluccia*. Tanticchia, *un tantino*.
'Un sia chù, *non sia più, finiamola*. Ci vaju,
vi vado. Unni chidda, *da quella*. Picciridda,
vezzeg. di piccola. Nun ti scantari, *non teme-*
re. Autra, *chi tia, altra che te*.

Tu puru aeri,
 (Mi nn' addunavi ,)
 Puru jncavi ,
 Cu Chiddu ddà .

Poi si joch' Eu ,
 Fai lu cucchiaru ,
 Ed eu l'amuru
 Nun dissi un' à .

Mi nni fai tanti ;
 Mi rispittiju ,
 Pirchè lu viju
 Ca un m'ami chiù .

Tu mi voi mortu
 T'aju stuffatu ;
 Cu stu filatu
 Mi dici sciù .

Mi nn' addunavi , me ne accorsi . Cu ehiddu
 ddà , con colui . Si joch' Eu , se giuroco Io .
 Fai lu cucchiaru , imbàmboli . Mi rispittiju , mi
 dolgo , che tieni di me si poco conto . T'aju
 stuffatu , sei di me ristucca . Cu stu filatu , con
 questo mal talento . Viju , veda . Sciù , espres-
 sione con cui si cacciano le galline , ed altri
 piccoli animali , e quì vale , mi discacci .

Sì, ca spirisciu ,
 Mi chiancirai ,
 Si sintirai :
 Iddu nun o' è ...

Ma tu chi chianci !
 No, Gioja mia ,
 Nun dicu a tia ,
 Via, spagna-re .

Fini .

Ca spirisciu , *che sparisco* . Mi chiancirai ,
piangerai per me . Iddu , *esso* . Chi chianci ,
che piangi . Nun dicu a tia , *teco non parlo* .
 Spagna-re , *idiotismo* , *che usano i ragazzi nel*
pacificarsi .

Forsi pìrchì nun m' ani ,
 Aju a cripari in peddi ?
 Ad autri , assai chiù beddi ,
 Ci dissi sciù-nna-ddà .

E tu ti cridi forsi ,
 O pezza di sumera ,
 Chi autr' asina a la fera
 Di tia nun ci sarrà ?

Mmàtula ti ni veni
 Cu l'aria , e lu sfrazzu ,
 E via chi sugnu pazzu !
 O qualche gnignali !

Jeu chiù stimari a tia ?
 Jeu fariti chiù 'nnormi ?
 Và curcati , và dormi ,
 Cosa pri mia nun sì .

Aju , ho . Cripari in peddi ; *idiot. vale morire* . Sciù-nna-ddà , *maniera di cacciar lungi* . O pezza di sumera , o tocco di asinaccia . Autra , altra . Ti nni , te ne . Gnignali , *propriamente v'tello non nato , qui vale allocco* . Nnormi , vezzi .

Bon'è ca t'aju ad occhiu,
 Cridimi, ch'un mi pischi;
 Sti modi picciattischi.
 Cu mia 'un cuntanu chiù,

Si 'un vai di francu-a-franca,
 Si nun stai chiù a li patti,
 Chi t'aju a diri? Statti:
 Però ci perdi tú,

4

Ch'a mia, chi sù tinuta
 Pri onestu, e facci bianca,
 'Na Crocchiola nun manca,
 Certu la trovirò,

Sarrà carni di vacca,
 Non jencu, comu tia;
 Almenu è tutta mia,
 Ma in tia un c'è meu, ne tò.

Ca t'aju, *che t'ho*. Picchiattischi, *fanciul-
 leschi*. Sti, *questi*. Cu mia ec. *con me sono
 inutili*. Si 'un vai ec. *se non tratti con buona
 fede*. Statti, *qui propriamente vale, stà in tua
 libertà*. Sù, *sono*. Facci bianca, *qui vale ga-
 lantuomo*, Na cracchiola, *metaf. una ragazza*.
 Carni di vacca, *metaf. non molto bella*. Ma in
 tia 'un c'è meu, *ne tò*, *ma in te non v'è chi
 possa contarvi nemmeno tu medesima*.

E comu la sai tutta!
 Davanzi billi balli,
 Darrerri pri tri calli
 Tu canci anchi a lu Rè.

Cunta cu mia ssa robba?
 Chi cridi ca sugn'orvu
 Tra piccinnustra, e corvu
 Gran differenza c'è.

Tu cridi ca sti chiacchiari
 Sù diti pri un'inciuria?
 E chi sta prima furia
 Fra brevi passirà?

E sti paroli a sganga,
 Ti cridi tu, gramagghia,
 Chi sù fumu di pagghia,
 Chi allura si ni và?

E comu ec. e come sai mascherarti a seconda delle circostanze, Davanzi billi ec. dinanzi, vezzi festevoli. Cunta ec. sono mercanzie queste che si possono spacciare a me. Ca sugnu, che sono. Ca sti, che questi. Piccinnustra, piccione giovane. Sù, sono. A sganga, a dispetto. Gramagghia, qui s'intende donna da nulla. Siuni, se ne. Ca, che. Sta, questa.

T'inganni puviredda
 Ver'è, chi l'àutri voti
 Ti fici sti rivoti,
 Chi po' 'un duraru chiù.

Ma l'arcu poi si rumpi
 S' assai lu tiri, e smovi,
 E truniannu chiovi,
 Ora stà allerta tu.

8

Jeu poi ch'aju a 'nfuddiri
 Cu tia curuzz' amatu?
 Nun mi l'aju sunnatu,
 Né mi lu 'nzunnirò.

Agghiattu, agghiattu, agghiattu!
 Ch'è stomacu di ferru?
 Ma guarda si poi sferru,
 Lu peiu idd' è lu tò.

Puviredda, qui vale scioccarella. L'autri voti, altre volte. Sti rivoti, questi contrasti. Chi po' un duraru chiù, che poi non durarono più. Truniannu chiovi, tuonando piove. Nun mi l'aju sunnatu, non mi è passato nemmeno per sonno. 'Nzunnirò, sognerò. Agghiattu, inghiotto, qui vale metaforicamente soffro. Si poi sferru, se poi la rompo. Lu peju iddu è lu tò, peggio sarà per te.

Sì foddì, sì 'nfirnicchia,
 Si fausa, e si ciraula;
 Oh pesta! chi diavula!
 Nautra 'un si truvirà!

Finemula, sta vernia:
 Jeu mancu cu vossia; (1)
 Vossia mancu cu mia: (2)
 Bonciornu .. scucchia-ccà.

Fini.

'Nfirnicchia, troppo sei spiritosa, ed inquietata. Si fausa, e si ciraula, sei scaltra e venditrice di ciarle. Nautrà 'un, altra non. Sta vernia, questo rompicapo. Mancu, nemmeno. Vossia, sincope di vostra signoria. Cu mia, con me. Scucchia-ccà, rompiamo l'amicizia.

(1 2) Qui si sottintende, avrò avrò amicizia.

Pri diriti lu veru

Amicu miu ti chianciu,
Vidi ca pigghi un granciu,
Chì 'un ti lu scordi chiù,

Lu munnu è malu assai

Amicu cridi a mia;
Lidda ti cutulía,
E 'un tinni adduni tù.

Lu cunsigghiu, *il consiglio*. Ti chianciu, *ti piango*. Ca pigghi un granciu, *che pigli uno sbaglio*. Chiù, *più*. A mia, *a me*. Ti cutulía, *ti burla*. E un tinni adduni, *e non te ne accorgi*.

Tu cridì (oh cecu Amuri,
 Chi annorvi anchi l'amanti !)
 Chi Lidda, comu avanti
 T' à amata, t' amirà,

'E veru comu avanti
 Lidda ti cutulia,
 Prima cu pulizia,
 Ora cu libertà,

Prima, ch'era sulidda
 La povira Picciotta
 Cu fari l'arcirotta
 Faccia lu fattu sò.

Ora, ch'è situata,
 Carrozzi, e menzu munnu
 Lidda firrià tunnu
 Nè à lu pinseri tò.

Cridì ; credi . Chi annorvi , che acciechi . Sulidda , dim. di sola . Picciotta , giovinetta . Arcirotta , uccello che nel volare illude i cacciatori . Faccia lu fattu sò , faceva il suo negozio . E menzu munnu , e tutto il dippiù delle cose voluttuose .

Tu di sta cosa, eu criu,
 Ni si menzu squadatu;
 Ch'o fui da l' autru latu,
 Jucannuti a buè:

O misa in gravitati',
 Pri darisi chi fari
 Cumincia a cumannari
 Li paggi, e li Lacchè.

Chiù chiaru l'avi a diri,
 Chi c'ài siccatu l' arma?
 Si tedia, si sdisarma
 Lu sangu 'un ci cunfà.

Sù genj tanti voti,
 Ch'un currinu di paru;
 S'è chistu 'un c'è riparu:
 Nè av' idda reità.

Eu crin, io credo. Ni sì, ne sei. Menzu squadatu, in parte scandalizato. Fui da l' autru, fugge dall' altro. Jucannuti a buè, gioco de' fanciutti a nascondersi. Misa in gravitati, messa in sussiegno. Chiù, più. Si disarma, si scoraggia. Lu sangu, il sangue. 'Un si cunfà, non si accòrda con il tuo. Sù, sono. Genj, inclinazioni. Tanti voti, allo spesso. Chi 'un currinu di paru, che non corrono uguali. S'è chistu 'un c'è riparu, s'è ciò non vi è riparo.

Vidi s' eu sù sinceru :
 Sì beddu , e graziusu ,
 Sì duci , ed amurusu ,
 E vai quant' un Perù .

Ma chidda seguitannu
 Lu stili fimmininu ,
 'Nclina cu lu scintinu .
 C' ài a dari liggi tù?

Risbigghiati 'na vota :
 Ni ammancanu fodeddi?
 Forsi lu munnu speddi?
 Lassala gnignali .

Lidd' è 'ndiavulata ,
 E' viva , e pizzutedda ,
 Ti à misu là fodedda .
 Juracci chi' è accussì :

Vidi s' eu sù sinceru , *vedi se son sincero* . Sì
 beddu , *sei bello* . Chidda , *quella* . Lu stili , *il*
gusto . 'Nclina cu lu scintinu , *tende col più*
cattivo . C' ài a dari liggi tu , *devi tu darle leg-*
ge . Risbigghiati na vota , *risvegliati una volta* .
 Nni ammancanu fodeddi , *mancano gondelle* .
 Speddi , *termina* . Gnignali , *feto di animale* :
dicesi per ingiuria . Viva , e pizzutedda , *spi-*
ritosa ed ardita . Ti à misu la fodedda . *ti ha*
messo la gonnella .

Và lassala , và chiantala ,
Lu vidi quant' è 'ngrata ?
Vidi quant' è ostinata ?
Nun ci pinsari chiù .

Sciogghiti ssa catina ,
Và cerca di sfrattari ,
Si nun ti voli amari ,
L' ài a fari a tu pri tù ?

Fini .

L' ài a fari a tu pri tu , l' hai da fare col
forza .

Lisa a Fulanu.

1

Chi c'è 'un semu chiù nenti?
 E chi non su chiù chidda?
 A la tua crucehiulidda?
 Nun ci fai cera chiù.

Figghioli 'un c'è chiù munnu!
 E cui lu vulia diri?
 Li ciammi, e li sospiri
 Fineru a frustu stù!

Chi c'è, cos'è questa novità. 'Un semu chiù nenti, non siamo più amici. Nun sà chiù chidda, non sono più quell'istessa. Crucehiulidda, carina. Nun ci fai cera chiù, non le mostri più un volto piacevole. Figghioli, ci serviamo di questa espressione quando ci appelliamo alla moltitudine delle genti. 'Un c'è chiù, non vi è più. E cui, e chi. Lu vulia diri, volea dirlo o crederlo. Li ciammi, le fiamme. Fineru, finirono. A frustù-stù, a vuoto.

Tu ora si cuntenti?

Sciala, ch'ài fattu prisà.
Com' ora chianci Lisa,
Appressu poi cui sà?

Senti : lu munnu è rota ,
Amuri à li saitti ,
Forsi li mei vinditti
Un jòrnu li farrà ,

Teni tu forsi ad occhju
Qualchi Pupidda nova?
Sì sì curuzzu prova ,
E nun ti dicu chiù .

Nun manchirannu a mia ...
Basta mi dugu vinta...
Ieu sugnu la chiù tinta ;
Lu restu lu sai tù .

Sciala ch'ài fattu prisà , *pavoneggiati di questa bella impresa* . Com' ora chianci Lisa , *per adesso piange Aloisa* . Cui , *chi* . Jòrnu , *giorno* . Pupidda , *propriamente bamboccina* , *quì vale innamorata gaja* . Curuzzu , *dimin. di cuore* . A mia , *a me* . Mi dugu vinta , *mi dò per vinta* . Ieu sugnu la chiù tinta , *io sono la più cattiva* .

4

Tu sai... (Bensi'aju fattu
 La mia obbligazioni;)
 Ma tu sti tratti boni
 Cu mia nun l'ài però.

Appena chi ti cuntanu
 Quattru farfantarii,
 T'incagni, e 'un mi talii,
 Chist'è lu stili tò.

5

'Mparissi mi fai l'omù,
 Ma nun conosci beni
 Lu ventu d'unni veni,
 Nè vidi lu pirchè.

Lu veru piscaturi
 Và in cerca a la maretta;
 Tannù la lenza jetta.
 Capisci gnignali?

Bensi'aju fattu, però *ho fatta*. La mia obli-
 gazioni, *il mio dovere*. Cu mia, *con me*. Ti
 cuntanu, *ti raccontano*. Farfantarii, *buggie*.
 T'incagni, e 'uu mi talii, *ti scorrucci e non*
mi guardi. 'Mparissi, *in apparenza mostri scal-*
trezza d'uomo. Maretta, *mare agitato*. Tan-
 nu, *allora*.

Lu dicu a leta facci:

Sti chiacciari, e imposturi,
Ridundanu in miu onuri,
E nun è vanità.

Tu ora già mi senti;

Nè occurri di spiegari,
Ti vonnu scavaddari,
E l'asina ci stà.

Cu mia nun fannu pani,

Però 'un facemu nenti,
S'eu tiru, e tu l'allenti,
Ma teni forti tù.

Voi dari cuntintizza

A' tanti bonavogghia?

Lassali diri, avogghia,
Finemula, 'un sia chiù.

Sti chiacchiari, *queste ciarle*. Scavaddari, *smontare*. Ci stà, *vi crade*. Cu mia nun fannu pani, *con me non vi guadagnano*. 'Un facemu, *non facciamo*. Teni forti, *stà forte*. Bonavogghia, *birboni*. Avogghia, *dicano a lor talento*.

8

Ch' è beddu stari in paci !
 Viviri arripusati ,
 O Armi 'nnamurati
 'E veru sì , o nò ?

Qualchi peripateticu
 Dici però , ed attesta :
 Chi amuri tra timpesta
 Shampa lu focu sò .

9

E siasi comu vogghia ,
 Timpesta ci ni à statu .
 E via curuzzu amatu
 Fa paci , e dimmi sì :

Sì bonu si bon cori ;
 Ma così tinti n'ài ,
 Ma minn' ài fattu assai ,
 Nun sú nè dui , nè trì .

Comu vogghia , *come si voglia* . Cinn' è , *ve*
n' è . Curuzzu , *dim. di cuore* . N' ài , *ne hai* .
 Ma minn' ài fattu , *ma me ne hai fatte* .

Vidi ca-poi la spezzi ;
 Nun la stirari tantu ;
 Jcu stissa minni scantu ;
 E via ... chi gustu c'è?

Semu chiddi chi semu ,
 Tra nui sti cosi? oh babbu !
 Ogn'unu si fa gabbu ,
 Cui senti fa l'olè !

Pri mia nun ti dicu autru :
 Pensa s'ài cori in pettu ,
 Chi tu di lu miu affettu
 Ni ài provi in quantità.

Lasciami in abbandunu ,
 Scurdariti di mia
 Lu lassu diri a tia ,
 S'è prova d'onestà .

Fini di la lirica.

Vidi ca , *vedi che* . Icu stissa mi ni scantu ,
io stessa ne temo . C'è , *vi è* . Semu chiddi , chi
 semu , *espressione che vale siamo intrinseci* .
 Tra nui sti cosi , *tra di noi queste cose* , s'*in-*
tende strane o alocco . Ogn'unu si fa gabbu ,
ciascuno si scandalizza o se ne fa meraviglia .
 Fà l'olè , *ci burla* . Pri mià , *per me* . Autru ,
altro . Ni ài , *ne hai* . Di mia , *di me* . A tia , *a te* .

I N D I C I

O D I

<i>Lu viaggiu retrogradu</i>	pag. 3
<i>La nascita di Amuri</i>	10
<i>Li capiddi</i>	14
<i>Lu gigghiu</i>	19
<i>L'occhi</i>	22
<i>Lu labru</i>	26
<i>La ucca</i>	28
<i>La uci</i>	30
<i>L'alitu</i>	33
<i>Lu pettu</i>	35
<i>Lu neu</i>	38
<i>Lu non-sò-chì</i>	40
<i>La simpatia</i>	42
<i>Li grazj</i>	44
<i>Lu gesuminu</i>	48
<i>L'aruta</i>	51
<i>La colica</i>	54
<i>Lu sistema sessuali di li ciuri di lu</i> <i>cel. Linneu</i>	56
<i>La munita fausa</i>	59
<i>Li Baccanti</i>	62
<i>D. Chisciotti</i>	67
<i>La morti di Saffu</i>	71
<i>Lu rusignolu</i>	75

<i>Lu briu</i>	78
<i>La paci</i>	84
<i>La fortuna</i>	89
<i>Lu geniu di Anacreonti</i>	92
<i>Innu a Baccu</i>	96
<i>La cicala</i>	109
<i>In lodi di lu vinu</i>	114
<i>Dafni</i>	117
<i>La filosofia di Anacreonti</i>	120
<i>Sù lu stissu sistema</i>	123
<i>L' illasioni</i>	125
<i>Innu a Diu</i>	139
<i>A la Musa</i>	142
<i>A S. E. Sig. D. Franciscu d' Aquinu</i>	146
<i>A S. E. Sig. Cav. D. Luiggi Medici</i>	161
<i>A S. E. Sig. March. Simonetti</i>	167
<i>All' Ill. Sig. Cum. D. Giuseppi Poli</i>	173
<i>A la Sig. Cornelia Ellis Miss Knight</i>	176
<i>S. E. Sig. Principi di Belmunti</i>	180
<i>La Davi</i>	183
<i>Innu a Lucina</i>	184
<i>Lu divorziu</i>	185

S O N E T T I

<i>Fiducia in Diu</i>	188
<i>Pri la malatia di S. E. Sig. D. Franciscu d' Aquinu</i>	190
<i>A S. R. M. Ferdinannu III.</i>	191
<i>Pri la morti di lu Can. Digrigoriu</i>	193

<i>Origini di la Poesia</i>	194
<i>Pri una malatia a lu Cum. Poli . . .</i>	195
<i>A l' Accademia Patriotica</i>	196
<i>In lodi di la Musica</i>	197
<i>All' Ill. Sig. Marchisi Cardilla . . .</i>	198
<i>A lu stissu suggettu</i>	199
<i>A li Sig. Accadem. di la Poesia Sic.</i>	200
<i>Contra l' abusu in medic. di lu siste-</i>	
<i>ma di Braun</i>	201
<i>Al' Ill. Sig. Cum. D. Giuseppi Poli</i>	202
<i>La testa Oretu isau</i>	203
<i>Umbri, figghi a la notti</i>	204

C A N Z U N E T T I

<i>In occasioni di costruirsi la publ. villa</i>	205
<i>Li piscaturi</i>	208
<i>O bedda Nici</i>	213
<i>Allurtimata</i>	216
<i>Forsi pirchè nun m' ami</i>	219
<i>Lu cunsigghiu</i>	224
<i>Lisa a Fulanu</i>	229

VAI 1524005

~~430,384~~



